

MODIMO O NA LE TSELA YE E FILWEGO



A re feleng re eme feela nakwana bjale, pele re rapela. A go na le yo a nago kgopelo ya go ikgetha, bošegong bjo, yo o ka ratago Modimo go go arabela? E no phagamišetša seatla sa gago godimo. Bjale, ka pelong ya gago nagana ka se o se kgopelago. Go lokile. Gomme dikgopelo tše pedi šedi mo. Bjale, a re inamišeng dihlogo tša rena.

² Tate wa rena wa Legodimong, re batamela Terone ya Gago ya mogau. E sego ka mokgwa e ka ba ofe re ka lekago go tla ka tsela e ka ba efe ye nngwe, gobane ke mogau woo re o hlokago, Morena. Re be re sa kgone go ema mo Teroneng ya kahlolo, Jesu o re emetše fale. Gomme bjale re eme mo Teroneng ya mogau wa Gagwe ka tshepišo ye e šegofetšego ye gore ge re kgopela e ka ba eng Leineng la Gagwe, se tla fiwa. Re batho ba ba nago le monyetla kudu, bošegong bjo, go ba le tshepišo ye.

³ Gomme, Tate, O bone diatla, gomme ke na le nnete O tseba se se bego se le ka tlase ga tšona, tlhologelo ya pelo. Araba, Morena, go ya ka mahumo a Gago ka Letagong.

⁴ Ke rapelela kopano, bakeng sa modiradibe, mosedumele, mohlokamodimo; re rapelela balwetši le batlaišwa, bobedi fa le mogohle; bakeng sa baena ba go direla go kgabaganya naga, ba ba swerego ditirelo tše bohlokwa tša Morena Jesu le Lentšu la Gagwe. Re fe tšhologelontle ye kgolo ya Moya wa Gagwe, bošegong bjo, Morena, godimo ga rena, gore ge re tloga, re ka kgona go bolela, boka bale ba tšwago Emause bošegong bjola, “A dipelo tša rena ga se tša swa ka gare ga rena, ge A be a bolela le rena mmogo tseleng?” Re kgopela se Leineng la Jesu, Morwa wa Gago. Amene.

Le ka dula.

⁵ Ke mo gobotse go ba mo gape bošegong bjo, mo metsotsong e se mekae ya go feta ke bile le monyetla wa go šišinya diatla le bagwera ba kgale, badiredi ba ke ba tsebilego dinako morago, Ngwanešu Andrew Rasmussen, bakeng sa yo motee, gomme yo mongwe e be e le Ngwanešu Toms mo, le banešu bao ke kopanego ka dikopanong tša go fapana. Ke thabile kudu go ba le bona ka mo bošegong bjo le rena go rapelela kopano. Re bile le nako ya letago mantšiboeng a go feta ka go kgobokano ya rena ye nnyane mmogo.

⁶ Gomme bjalo ka ge ke bolela gape, ke nyaka go dira tshwarelo go baena ba rena ba go direla ba ba lego ka khonferenseng yela mo. Ke be ke sa re go sepelela ka mo ge

le be le na le khonferense, eupša ke be ke no feta go kgabola ka tsela ye, gomme Ngwanešu Eddie o rile, “Gabotse, re no ema bošego goba a mabedi tseleng go tšwa.” Ke holofela gore letšatši le lengwe, ka tirišano ye kgolo magareng ga badiredi bohle go kgabola sehlakehlake mo, re ka no ba le kopano ye kgolo felotsoko.

⁷ Ke tla godimo le Ngwanešu Eddie bakeng sa bagwera ba gagwe ba Maindia. Gomme re bile le nako ya letago godimo go Port Alberni yela, ke a dumela e a bitšwa, le bagwera ba rena ba Maindia, le gape bagwera ba rena ba bašweu. Re bile le nako ya letago godimo kua, gomme re holofela go ba morago ka pela go e bona yohle gape.

⁸ Ye ke kopano ya ka ya lesometee go otlogoga, gomme ka kgonthe ke lapile. Gomme ke swanetše go tloga gosasa bjale, morago ga tirelo, go e dira tlase go...swanetše go ya...go sepelela tlase Tucson, Arizona, gomme go tloga fao go ya, mohlomongwe, go ya Phoenix. Ke swanetše go ya nako yeo godimo go Tselalephefo ya Alaska bakeng sa go khutša go gonnyane. Ke ya godimo le mogwera, Ngwanešu Eddie, mo, le bona. Ke na le, go ba morago godimo kua tikologong ka la pele Agostose, gomme ka nnete mo mosepelong. Gomme ka gona go tla morago le go ya mošwamawatle, godimo go—go Tanganyika, le Uganda, le—le tlase ka Afrika Borwa; gomme, oo, go no dira leeto la lefase go dikologa, go leka go ba morago gape ka seruthwane se se latelago, ge Morena a rata, gomme A nyaka ke tšwelepele go leka ka boebangedi go...bakeng sa letago la Gagwe.

⁹ Ke, tshepišitše go nna, go thoma ye botse, ye kgolo, tente ye mpsha, ditheraka, matrokisi, le se sengwe le se sengwe tšohle di lefetšwe. Ebile ga ka swanela, go tšea meneelo bakeng sa yona. A seo ga se makatše? Kafao rena, re tshepa gore yeo, ge yeo e le thato Kgethwa ya Gagwe (Rena ka mehla re nyaka thato ya Gagwe.), gona ke nepile go dira se ka mehla ke se tshepišitšego: go bea tente ka setšhabeng moo go sego ditšošetšo, gomme yo mongwe le yo mongwe—gomme yo mongwe le yo mongwe a dirišana; gomme ka ba le kopano ya mosong feela bakeng sa badiredi baena, go bolela le bona; kopano ya morago ga sekgalela bakeng sa taelo bakeng sa phodišo ya balwetši; gomme morago tirelo ya bošego, tirelo ya boebangedi; gomme morago ra tlogela Lamorena le lengwe le le lengwe morago ga sekgalela, le go ya pele, moo dikereke tše dingwe di nago dikopano, gore re ka se tsenatsene dikopano tša mehleng tša setšhaba.

¹⁰ Gomme ka mehla re nyakile go dira seo. Gomme ka gona ka dula lebakana, feela, batho ga ba hwetše kgopolo ba ka fodišwa bjang, ga ba e kwešiše, gomme feela lekga la mathomo ka gare, gomme ka gona ge re e ruta, le go ya ka go yona ka dithuto le go ya pele, ke na le nnete e tla re thuša bohle. Ke a tseba e tla nthuša,

gomme nna, ka mehla, go tla go bolela ka Morena. Gomme kafao ke . . .

¹¹ Ngwanešu Toms, mo bošegong bjo, ke na le nnete o tsebišitšwe, gomme yo mongwe le yo mongwe o mo tseba go dikologa go kgabola Saskatchewan, o be a le yo mongwe wa bathekga ka tšhelete ba ka ba mathomo ge ke etla Saskatchewan e ka ba lesomenne, lesometlhano, mengwaga ya go feta, ke a thanka. Nna, baena fale, le . . .

¹² Ke bolela ka go setšeantšu sa phošo. Ke eng? Kereke ya maleba, eupša sefala sa phošo, a yeo ke nnete? Go lokile. Gomme kafao ke a bona o—o se beile ka lehlakoreng le lengwe la teseke. Ka mehla ke ba kudu gannyane nthatana, le a tseba, gomme kafao ke . . . Mpoloke go tšwa go go thiba batho ditsebe ka moagong wo, gobaneng, ke a thanka o se beile godimo fale. Go lokile, re tla fediša se le go tšea se tee se thwi go ya pele.

Bjale, ke ba bakae ba Mo ratago ka pelo ya lena yohle? Oo, seo se no ba kaone, feela gabotse.

¹³ Bjale, gosasa morago ga sekgalela, gore e se tsenatsene ditirelo e ka ba kae . . . Bjale, ga ke tsebe mo kopano ya kampa e lego, ke sa tšwa go ithuta yona feela pele ke etla mo, gore kopano ya kampa e be e kгатlampana. Gomme kafao, re tla ba le ditirelo gosasa morago ga sekgalela e ka ba iri ya bobedi goba ya boraro. Ke a thanka ba e tsebišitše.

¹⁴ Gomme—gomme lena ba le sego ka kopanong ya kampa, e no ba go topa bao ba babjago le go tlaišega gomme ba sa kgone go fihla kopanong ya kampa. Ke ka baka leo re gafelago go rapeleleng balwetši. Gomme bjale, gona gosasa morago ga sekgalela tirelo e fa. Morena a be le lena le go le šegofatša.

¹⁵ Bjale, ke nyaka go bala Lengwalo le hwetšwago godimo ka go puku ya Genesi gomme temana ya 22 gomme tema ya 22, a ke re, gomme temana ya 8:

Gomme Abraham o rile, Morwa wa ka, Modimo o tla ineela yenamong kwana bakeng sa moneelo wa go tshungwa: gomme ba ile bobedi bja bona mmogo.

Gomme bjale godimo ka go puku ya Mokgethwa Johane tema ya 12 gomme temana ya 32, Jesu o a bolela:

Gomme Nna, ge ke phagamišeditšwe godimo go tloga lefaseng, ke tla gogela batho bohle go nna.

¹⁶ Gomme bjale, gore re se be ba ba telele ka tirelong bošegong bjo, ga—ga ke tshwenyege, go le swarelela go kgabola mašego a beke, gobane mo mašegong a beke, le hlaiwa ke mošomo wa letšatši, ga ke tshwenyege ka seo, eupša le se hlaiwe ke sekolo sa Lamorena, e ka ba eng le e dirago, eyang sekolong sa Lamorena. Ba bangwe ba lena le etile, gobaneng, badiša ba fa ba tla thaba go ba le lena ka dikerekeng tša bona bao ba lego tikologong fa. Ba eteleng mosong, ba tla le dira gabotse go tla go ba kwa ba bolela,

le go tsebana seng sa lena, ka gore re na le—le Bokagosafelego go phela mmogo, gomme ka fao a re tlwaelaneng bjale.

¹⁷ Gomme kafao elelwang bjale, ka mehla ke rile, “Ke sebe go romela bana ba lena sekolong sa Lamorena.” Yo mongwe le yo mongwe o tseba seo. O se tsoge, e ka ba eng o e dirago, o se tsoge wa romela bana ba gago sekolong sa Lamorena. Ke phošo, ba tšee. Yeo ke nnete. Ka mehla ba tšee. O se no ba romele, o ya bakeng sa mohlala le wena. O ba iša sekolong sa Lamorena, o ya mmogo le bona. Eupša, o se no ba romela, yeo ke phošo, go ba tšea go lokile, gobane o fale le bona.

¹⁸ Gomme bjale, gosasa morago ga sekgalela re ya go leka, ge Modimo a rata, go rapelela balwetši le batlaišwa, ba bantši ka mo re ka kgonago, goba sehlopha, ntle le ge se eba se segolo kudu, ge feela e no ba sehlopha se sennyane boka se, gobaneng, re ka kgona go dira seo gabonolo. Kafao, ge o na le batho ba gago ba go babja, gomme o nyaka go ba tliša ntle bakeng sa thapelo gosasa morago ga sekgalela, re tla thaba go ba rapelela.

Bjale, ke nyaka lena, memang baena ba e lego badiša ba lena, le bona, go tla ntle le go re etela gosasa morago ga sekolo sa Lamorena, ge ka kgonagalo a ka kgona.

¹⁹ Bjale, ke nyaka go goga go tšwa go palo ye ya Lengwalo go tšwa go Genesi tema ya 22, temana ya 8: “Modimo o tla ineela sehlabelo Yenamong.” Gomme morago ka go Mokgethwa Johane 12:32, moo ke nago le dinoutse tša ka le go ya pele, le Mangwalo a ka a ngwadilwego ntle ao ke bego ke nyaka go bolela ka wona: “Nna, ge Ke phagamišeditšwe godimo go tloga lefaseng, ke tla gogela batho bohle go Nna.” Ke nyaka go tšea sehlogo go tšwa go seo, *Modimo O Na Le Tsela Ye E Filwego*.

²⁰ Bjale, le a tseba, ke thabile kudu go tseba gore go na le tsela ye e filwego. Le a bona, fao go—fao go ditsela tše pedi feela tša eng kapa eng: yeo ke tsela ya maleba le tsela ya go fošagala; gomme yeo ke tsela ya gago le tsela ya Modimo. O ka se kgone go ba le tsela ya gago mong gomme wa ba ka tseleng ya Modimo; gomme o ka se kgone go ba ka tseleng ya Modimo gomme wa ba le tsela ya gago mong. Le a bona? Kafao, ke e tee goba ye nngwe: e ba gore ke tsela ya gago goba tsela ya Modimo; ke dikgopolo tša gago goba Lentšu la Modimo. Le a bona? O swanetše go amogela e tee. O ka se kgone go tšea go nagana ga gago mong. Kafao, motho o tswetšwe e le wa go šitwa, gomme ka mehla o bile wa go šitwa. Kafao, gobaneng o leka go ithekga godimo ga kwešišo ya gago mong? Gobaneng o sa tšee tsela ya Modimo ya yona? gobane ka mehla O go tliša ntle gabotse.

²¹ Gomme bjale, ge A efa tsela gomme batho ga ba sepele ka tsela yeo, gona ga se phošo ya Modimo. Mohlala, toropokgolo mo, ba na le mोगwa wa go fa ditaelo ka dika, diroboto, gomme toropokgolo e file tšeo mo go magahlanatsela a kotsi. Gabotse, ge lebone le lehubedu lela le etla gomme la re, “O se ye bjale,”

gomme o tshela go kgabola lebone lela le lehubedu, le a bona, ga se wa tla ka tsela ye e filwego, gomme o ba le go tlhekgemana, o se bee toropokgolo molato, ba bile le tshebotšo fale, o se bee motho molato yo a go thutšego, o e dirile wenamong. Le a bona? Gomme le a bona, yoo ke wena o šomišago tsela ya gago, goba tsela ye e filwego.

²² Mohlala, ge re thomiša gae gosasa, gabotse bjale, go ka reng ge nkabe ke rile, “A nke ke bone ke tsela efe ke phelago ka go yona bjale, ke phela se sengwe bohlabela, le borwa, le go ya pele, ke ya go tšea thwi go otlologa ka tsela yeo, go dira go kgaoletša, gobane ke swanetše go hlaganela gae, go lokile, ke ya go ya thwi ka tsela yeo”? Oo, ke be ke tla ikhwetša nnamong ntle mo ka go Puget Sound felotsoko, ka nwelela fase ka go lewatlegkolo, goba ke be ke tla ikhwetša nnamong ke le ka tšhemong tsoko ya leraga. Nka se kgone go dira seo. Ge ke dira, ke, nka—nka se tsoge ka fihla felo.

²³ Gabotse, tsela e nnoši go nna go dira, ke go hwetša mmepe wa tsela, gomme go na le . . . ditselalephefo di filwe nna go sepele; ge nka no tšea mmepe wa tsela, le go latela mmepe wa tsela, ke tla—ke tla fihla fale. Le a bona? Go no latela maswao, ke tlemega go tla kua. Go ka no ntšea phošo go go nagana ga ka, eupša tsela e šetše e filwe. Gomme bjale, go nagana ga ka, ge go le kgahlanong le tsela ye tsela e filwego, gona a nke ke se nagane ka go nagana ga ka, a nke ke ye ka tsela ye maswao a šupago, gomme ke tla fihla fale.

²⁴ Ke ka tsela ye go lego ka tsela ya rena go ya Legodimong, re na le go nagana ga rena beng, eupša ge re šomiša yeo, re ya go ikhwetša renabeng gohlegohle phošo, bohle re tlhekgemane godimo felotsoko, eupša ge re tla tšea tsela ye Modimo a re maraketšego, re tla fihla fale feela ka kgonthe bjalo ka e ka ba eng, gobane Modimo o ne tsela.

²⁵ Bjale, a re yeng morago go ye nngwe ya tsela ya Modimo ka sebopego se bonolo seo batho ba tla se tsebago. A le kile la ela hloko letsuana le lennyane le leka go fihla lefaseng le? O dira eng? Ka gare ga legapi lela o ema kua le go itia kgole go legapi lela go fihla a itokolla yenamong. Ke eng? Tsela ye e filwego ke Modimo. O bile le molomo, pele a ka tsoge a kgona go hlodimela godimo ga legapi, o bile le molomo, gobane Modimo o mo file molomo, go šoma ka tsela ye e filwego ke Modimo. Le a bona?

²⁶ Oo, Ke Tate wa go ratega, le a bona, O dira se sengwe le se sengwe feela gabotse. Sa pele, O ile a swanela go godiša molomo godimo ga nonyana, dinonyana, tše di tswetšwego ka gare ga lee; O swanetše go mo direla tsela go latela tsela ye e filwego go tšwela ntle. Le bona ka fao Modimo a dirago? O dira tsela ye e filwego, gomme selo se nnoši re swanetšego go se dira, ke go latela ditaello tša Gagwe, gomme re tla ntle feela gabotse tlwa,

ka mehla, nako le nako. Ee, mohlomphegi. O topa tsela ya gagwe go tšwa, gobane o tla ka tsela ye e filwego ke Modimo.

²⁷ Ka mehla ke be ke makala, ge ke etla godimo mo ka go lehlabula la ngwaga leetong la go tsoma, gomme ke a kganyoga, go ya godimo ka dithabeng tša godimo mo le go bogela mapidipidi, e ka no ba nako ya go kgobokana, le magantshe. Bjale, a tšwa borwa, a tla godimo mo gomme a tsena ka gare ga tša leraga, tša togotogo, dirorobja, le go itirela sehloga, go bea mae a tšona, le go phaphaša a tšona a mannyane. Gabotse, ona mapidipidi a mannyane, a be a godišeditšwe mogobeng wola, goba letsha, gomme ga a tsebe selo gape eupša letsha lela, o tswetšwe fale seruthwana sa go feta, o phetše fale selemo sohle botelele, o ne boiphedišo bja gagwe, gomme *ka mokgwa wo mongwe gape*, ge, go bapa ka mafelelong a Agostose goba Setemere, ge go etla lehlwa godimo ka dithabeng, gomme moya wola wa go tonya wa phefo o foka tlase go kgabaganya naga yela ya melala kua, moo lepidipidi le lennyane lela le lego, o a tseba go na le se sengwe se lokelago go direga.

²⁸ Bjale, o dira eng? Ohle a thoma go tla mmogo, gomme ntle ka bogareng bja mogobe wola go tla tla lepidipiditona le lennyane le la go tswalwa seruthwana sela mogobeng, o tla ya thwi ntle bogareng bja mogobe wola, a ntšhetša selo se sennyane sela godimo ka moyeng, le go ya, “Honke, honke. Honke, honke,” gomme lepidipidi le lengwe le le lengwe mogobeng le tla tla thwi go yena. Le a bona?

²⁹ Bjale, Modimo o file sekwitlahlo, sekwitlahlo ka go lepidipidi go mmošša gore selo sela se ya go gatsela, gomme o tla hwa fao. Kafao, a ka se kgone go dula mo, gomme ga se a tsoge a ba felo eupša mo, eupša Modimo o na le lefelo le lengwe go yena go ya go lona. Kafao o . . . Ge a na le lefelo le lengwe le filwe tlase ka Louisiana le Texas ka mašemong a reisi, ka morago ga ge a jele outse yohle go tšwa go lena tšohle a bego a kgona, gona o ya tlase bjale ka mašemong a reisi go—go phela ka Texans, le—le tlase fale. Gabotse, bjale, o tswetšwe fa go letsha le, ga a tsebe selo ka lona, eupša o na le sekwitlahlo sefiwa ke Modimo, Tsela ye e filwego ke Modimo ye e mmoššago gore bothata bo kgauswi, gomme o thoma go kwa moya.

³⁰ Gomme e sego feela. . . Ge a swanetše go kgobokana, wo motee o tla ya ka tsela ye gomme wo motee o tla ya ka tsela yela, Modimo o ba file moetapele. Ke dihlong gore motho ga a nayo, ka Moya wo Mokgethwa wa bona, o na le tšhušumetšo ye ntši bjalo ka ge lepidipidi le na le sekwitlahlo. Ke no se kgone go bolela. . . Nnete, lepidipidi le dumela go wa lona Modimo- . . . sebaka, eupša monna ga a dire. Le a bona? Re leka go tšea phihlelelo ya madirwakemotso go tloga go bothata, ge Modimo a re fa Moya wo Mokgethwa go tloga go bothata. Le a bona? Yeo ke nnete. Gomme bjale, ge re ekwa bothata ka moyeng, fao go selo

se tee feela go dira, seo ke go theetša Moetapele. Gomme Moya wo Mokgethwa ke Moetapele, O rometšwe go etapele Kereke.

³¹ Gomme bjale, elelwang, lepidipidi le lennyane le ga se la ke la tloga mogobeng wola, eupša lepidipidi le lengwe le le lengwe ka mogobeng le a tseba gore ke moetapele. Gomme ge moisa yo monnyane yola, mosong wo mongwe sekwitlahlo se hlabi ka go yena ka tsela ye e lego gore o ntšha sello se sengwe, o tlogela mogobe, o re, “šala gabotse,” gomme lepidipidi le lengwe le le lengwe le a mo latela. O godimo ka moyeng, ga a tsebe ke tsela efe go ya godimo kua, eupša mohuta tsoko wa tsela ye e filwego ke Modimo, o bea sefahlego se sennyane sela go leba Louisiana, gomme šole o a ya, gomme o fihla kua. Gobaneng? O tshepela ka go tsela ye e filwego ke Modimo bakeng sa gagwe, ke ka baka leo a kgonago go e dira, o tshepetše go tsela ye e filwego ke Modimo. Hlokomelang, ka fao go lokilego.

³² Šetšang wona magantshe, ka fao a tlogo godimo go tšwa fao le go kgobokana. Ke no rata go a kwa mo lehlaluleng la ngwaga. A feta ka godimo ga Indiana a no honka ka mo a kgonago go ya, moetapele yo motee wa kgale thwi ntle kua ka pele, ka nko yela e rathile thwi go otlologa go leba Louisiana, gomme šole o a tloga, ga se a ke a ba fao pele, ga a tsebe se se lego tlase kua.

³³ Boka bana ba Israele ba hlhlwa ke Pilara yela ya Mollo, ba tsogile go tšwa Egepeti, ga se ba ke ba tsoge ba tšwa ka tsela yeo pele, eupša ba ile feela thwi go naga ya tshepišo, gobane ba be ba latela Pilara ya Mollo, Moetapele mofiwa ke Modimo. Ba dutše thwi ka go tsela ye e filwego ke Modimo.

³⁴ Oo, go befile kudu gore rena batho re e foša kudu, gobane ga re tsebe Moetapele wa rena ke Mang. Seo ke selo se nnoši, re leka go tšea kgopolo tsoko ya rena beng, ka mehla re hlehla godimo felotsoko le go tlhekgemana.

³⁵ Bjale, mapidipidi le magantshe a ya borwa, gomme a na le moetapele yo a filwego. Modimo, ge A eya go go romela kae kapa kae godimo ga tsela, go tšwa go Modimo go go fa Moetapele go etapele tsela. Ka mehla. Ee, mohlomphegi. Modimo o a e fa. Ge le ka no šetša tlhago, yeo e be e le Beibele ya ka ya pele, ke šeditše tlhago, ge o ka e hlokomela, o ka se tsoge wa foša Modimo ge o ka kgona go šetša tlhago.

³⁶ Ke bile le monyetla wa go etela lefase gohle, le ka ditempeleng tša Buddha, le—le Mohammed, le Majain, le Masikh, le eng gape, eupša ye nngwe le ye nngwe ya tšona e na le filosofi, eupša ba theilwe godimo ga tshebotšopele, gomme oo, ga ke tsebe tšohle o ka kgonago go di bitša, go tsenabopheloga, le mehuta yohle ya dilo, eupša Bokriste bo theilwe godimo ga poloko le tsogo, yeo ke kokwane.

³⁷ Bjale, tsogo ga se peolegatong, tsogo e tliša sa go swana se se ilego fase. Bjale, ge seripa se sa pampiri se ewa, gomme se eya tlase lebatong, bjale, ge nka no tšea seripa se sa pampiri gomme

ka se bea ka lefelong la sela, yeo ga se tsogo, yeo ke peolegatong, eupša tsogo ke, go tliša sona sa go swana se se ilego tlase, yeo ke tsogo.

³⁸ Bjale, ge e ka ba eng e hlankela morero wa Modimo, e swanetše go dula ka tsela ye e filwego ke Modimo. A re tšeeng matšoba a, a beilwe fa go hlankela morero wa Modimo. Bjale, o a ripa ka mokgwa *woo*, o nagana gore ke mafelelo a ona, ga se wona. Modimo o hlokomela matšoba a Gagwe. Ge le ka hlokomela, letšoba le lebotse, ka fao . . . Ke a lemoga lena batho ba Canada fa, ka fao le nago le dirapana tše botse tše le a magolo, mafelo a mabotse a matšoba.

³⁹ Bjale, ka morago ga lebakana, a tla ba matšoba a maswa, matšoba a kgale, matšoba a mengwaga ya magareng, eupša go tla tla lehlwa go kgabaganya naga bošego bjo bongwe, lehu. Gomme le tla ratha letšoba lela, go sa kgathale ke lebaka lefe; lehu ga le na tlhompho ya bogolo, motho, goba bokgoni, lehu le ratha tšohle. Go direga eng? Moisa yo monnyane o neela bophelo bja gagwe. Go direga eng gona? Dipetale di thoma go wa go tloga go lona mosong wo o latelago, le a ya. Go tšwa fale go rotha peu ye nnyane, e wela fase mobung, morago mmogo go tla molokoloko wa poloko. O ka no se e dumele, eupša Modimo o na le molokoloko wa poloko bakeng sa matšoba a Gagwe. A le be le tseba seo? Bjale hlokomelang, morago ga ge lehlwa le ratha, morago go tla dipula tša marega, Modimo o romela maru go kgabaganya, le go lla ga marothi a magolo a magolo a meetse fase, le go boloka peu ye nnyane yela.

⁴⁰ Le a bona, re leka go e dira mararankodi kudu. Seo ke se e lego bothata lehono, tsela ye kereke ka mehla e fapogilego tseleng ya go rereša, ba lekile go, ba Mo dirile mararankodi kudu, boka ba swanetše go rutelwa ka go yona; ga se wa rutelwa ka go Kriste, o tswaletšwe ka go Kriste ka Moya . . . ? . . .

⁴¹ Bjale, Modimo o romela balli le bagolodi, e lego meetse, gomme a rothela fase bjalo ka dikeledi tše kgolo bogolo le go boloka peu yela ye nnyane. Tlase ka fase ga mobu e a ya, ge a e rwalela fase, ka gona mmogo go tla ledimo la marega, le swiela go kgabaganya naga. Dipetale tše nnyane di ile, matlakala a a hlohlorea, lehlaka le ile, legapi le omile, gomme peu ye nnyane e a gatsela gomme ya phatloga go bulega, dikgapetla di a fela go lona; letšoba le lennyane la go šokiša, go lebeba boka bofelu bja lona. Oo, aowa, ga se bofelu bja lona, ge letšatši lela le borutho le thoma go tla morago go dikologa gape, lefase le sepela lonamong ka go leemo la letšatši, fao go hlaku ya bophelo felotsoko ka leroleng leo go sego saense e sego ya ke ya kgona go e hwetša, letšoba lela le phela gape. Ka baka la eng? Le dirile morero wa Modimo ka tsela ye e filwego ke Modimo, gomme O dirile tsela bakeng sa lona go phela gape.

⁴² Gomme ge A dirile tsela go letšoba go phela gape leo le

diretšego morero wa Gagwe, ke bontši gakaakang A dirilego tsela bakeng sa monna goba mosadi go phela gape yo a hlankelago morero wa Gagwe, o sepela ka tsela ya Gagwe ye e filwego. Bonolo kudu, go no lebelela go yona.

⁴³ Lebelelang mehlare, ka fao matlakala a tšwelago ntle kua gomme a lekelela ntle. Feela e se kgale, dikgwedi di se kae tša go feta, ke lahlegetšwe ke mme wa ka gomme, wa ka wa bomodimo, mme wa kgale, gomme o be a robetše malaong, a eya, gomme ke—ke be ke le kgole godimo ka Canada, godimo fa ka—ka British Columbia, gomme ke be ke boa morago. Mme o be a babja gomme ke ile go mmona, ba mo tšeetše ntle go ya bookelong, o rile, “Billy, bjo ke bofelo, Morwa.”

Ke rile, “Oo, Mama, nna, bjoo ga se bofelo.”

O rile, “Ee, ke bjona.”

⁴⁴ Ga se ka e tlogela, ke tšwetšepele go rapela, gomme o bile gampempe nako yohle, Modimo ga se a bolela selo go nna, ke eme fale. Makga a mantši ke dirile tshwayo ka phuluphithing, lena batho bao le tsebago, makga a mantši ke rile, “Ge mme wa ka mong a be a robetše mo a ehwa, nka kgona bjang go mmotša selo se tee ntle le ge Modimo a mpoditše pele? Nka bolela feela bjalo ka ge Modimo a re bolela.” Fale selo sela se diragetše, nna ke rapelela mme wa ka.

⁴⁵ Kgaetšedi wa ka feela ka boswa o amogetše Moya wo Mokgethwa, gomme yena, mosetsana a nnoši, oo, go mo tshwentše. Ke be ke le ntle kua letšatši le lengwe gomme, go mmona, gomme Kgaetšedi o be a le kua, gomme Mme o lebeletše godimo go rena, o rile, “Wa ka wa pele le wa ka wa mafelelo.” E be e le, ke be ke le yo mogologolo, Delores e be e le yo monyennyane; go be go le bašemane ba senyane le mosetsana o tee, gomme mosetsana e be e le wa mafelelo.

⁴⁶ Gomme kafao, Mama o rile, “Billy,” o rile, “o bile yena yo a bonego gore ke be ke sa hloke e ka ba eng go ja, o ntheketše diaparo tša ka gomme wa mphepa morago ga ge Papa a sepetše.” Gomme o rile, “Delores, o bile yo mbose go nna, o tlile go nna, le go nthuša go hlatswa ga ka, le go hlwekiša ntlo ya ka, le dilo ge ke be ke sa ikwele gabotse.”

Gomme Delores le nna re lebelelane seng, gomme re rile, “Oo, Mama, seo se lokile.”

Gomme ke rile, “Ba bangwe ba bona ba robile pelo ya gago, Mama, ba bangwe ba bašemane ba nwele, gomme go robile pelo ya gago.”

⁴⁷ O rile, “Billy, yohle e ya go dira bophelo bja motho.” Mme yola ga se a kgona go lebala, ga go kgathale se ba se dirilego, feela go swana. Kafao, o rile, “Gomme, Billy, selo se tee gape,” o rile, “o bile yena yo a ntlahletšego go Kriste, Yo a rago tšohle ka go tšohle go nna bjale.”

48 Gomme ke rile, “Mama, ke ile kerekeng, gomme kereke e boletše gore Modimo o be a le ka kerekeng ya Gagwe, moprista o boletše.” Gomme ke rile, “Gona ke—ke kwešišitše gore Modimo o be a le ka go Lentšu la Gagwe, gomme ke dutše le Lentšu, ke lekile go go ruta Lentšu.”

Gomme o rile, “Bjale, ke ge e lefa.”

Delores o ile gae, o nteleditše, gomme o rile, “Bill, ke no se kgone go ema go bona Mama a eya.”

Ke rile, “Delores, ke eng e go dirago o bolele selo boka seo?”

49 O rile, “Ke no se kgone go ema go bona Mama a eya, ke mama a nnoši re nago le yena, gomme yena a nnoši re ka tsogego ra ba le yena.” Gomme o rile, “Ke wena fa bogolo bja mengwaga ye masometlhano tharo gomme nna masomepedi šupa.” O rile, “Re ya go e kgotlelela bjang—bjang, Bill? Re bile le yena bophelo bjohle bjo.”

50 Ke rile, “Delores, lebelela ntle ka lefastere moo o dutšego mogaleng wa gago, go la ngele la gago. O bona eng? A go ne mohlare o emego fale, wo mogolo, mohlare wa moouko wo mogolo?”

O rile, “Ee.”

Ke rile, “Dikgwedi tše pedi tša go feta matlakala ohle a be a le botse le botala.”

“Ee.”

Ke rile, “Ke mmala ofe bjale, Delores?”

Gomme o rile, “Ke a matsotho, gomme ke a mahubedu, a maserolwana, le botala.”

Ke rile, “Bothata ke eng?”

O rile, “Bophelo bo tlogela letlakala.”

Ke rile, “Ka nepagalo.” Ke rile, “Ke neng le bilego botsebotse kudu?”

O rile, “Gonabjale.”

51 Ke rile, “Ka lehung la lona.” Amene. “Bohlokwa pele ga Morena ke lehu la bakgethwa ba Gagwe,” go boneng bona bakgethwa ba kgale ba etla tlase bofelong, go nakwana ya mafelelo.

52 Ge Mama a se sa kgona go bolela gape, ke rile, “Mama, gabotse ge o ka kgona . . . Ke nyaka,” Ke rile, “bjalo ka mošemane wa gago wa moreri, ke nyaka go go botšiša, Kriste o ra eng go wena?”

Gomme o tla re, “Tšohle ka go tšohle, tšohle ka go tšohle, O rategarategi bjale go feta go kile.”

53 Gomme ge a se sa kgona go bolela gape, ke be ke tla re, “Mama, o ka se kgone go bolela gape, o a ya bjale feela mo metsotsong e se mekae. Ke nyaka go neela soulo ya gago go

Modimo, o eme mo, Mama, ge o sa kgone go bolela le nna bjale, ge Kriste a sa ra se sengwe le se sengwe go wena, ge bjale o lokišetša go hwa, ge o sa kgone go bolela, ponya mahlo a gago.” Gomme o be a tla ponya mahlo a gagwe godimo le fase, gomme a tloga go ya go kopana le Modimo.

⁵⁴ Oo, nna, nna! “Bohlokwa pele ga Morena,” bopaki bjo bobotse bjola, ge Sathane a eme fale, a re, “Ke tla dira Bill le Delores, bona, go retollela magetla a bona go Wena, go ntira ke be le yena le go mo tlaiša gannyane.” Eupša, oo, nna, go bona mokgethwa yola wa kgale a swere thwi ntle go fihla bofelong bjola gomme o ya go kopana le Modimo, feela boka letlakala le eya.

⁵⁵ Ke lebeletše mogwera yo bohlokwa wa ka a dutšego godimo fa, peleng Hlatse ya Jehofa, gomme yena ke . . .leina la gagwe ke Banks Wood, gomme ke moagišani wa ka. Gomme o a tla, e sego . . .Nako ye nngwe, ge la mathomo a etla, yena le mosadimogatša wa gagwe, ba bile le mošemane yo a bilego le pholio, gomme o be a le kopanong ya Texas, sa pele ka Louisville, moo a bonego mosetsana, a fetoga tšhoko, goba, letlapa le bile, o fodišitšwe, a kitima godimo le fase ditepising, o makaditše dingaka tšohle le se sengwe le se sengwe. Ba be ba tlišitše mošemane wa bona wa pholio Texas, fao ke mo Morongwa ya Morena a bilego le seswantšho sa Gagwe se tšerwe, Pilara ya Mollo. Gomme ka gona, morago ga fao ke ile Norway le Sweden, ka tla morago, ke be ke le godimo ka Ohio, ba tlišitše mošemane godimo fale, ke sa ba tsebe.

⁵⁶ Bošego bjo bongwe Moya wo Mokgethwa o boletše gomme o rile, “Mošemane yo monnyane ka hempe ye serolwana morago fale o fodile, O RIALO MORENA.” Gomme nakwana yeo Moya wo Mokgethwa o tlile fase, wa otlolla leoto lela la go kgopama, feela go phethagala ka go . . .A David o ka—ka moagong bošegong bjo? Aowa, o ile gae, a ga se a? Yo ke tatagwe, phagamiša seatla sa gago, Banks. Mmagwe o dutše mo felotsoko. O kae, Kgaetšedi Wood? Bjalo ka . . .Bona šebale bjalo ka hlatse.

⁵⁷ Gabotse, ba nthata kudu go fihla ba nno sepelela godimo, moagišani wa ka go nna, gomme gape ke moagišani wa kgonthe wa Ditiro 2:4, ka kgonthe ke bona, bobedi bja bona ba amogela Moya wo Mokgethwa. Gomme lapa lohle la gagwe, ka kgonagalo yo mongwe le yo mongwe wa bona go beng babadi ka go Hlatse ya Jehofa, ka dipono le maatla a Modimo, a ba retolletše yo mongwe le yo mongwe go kolobetšo ya Moya wo Mokgethwa. Batho ba mosadimogatša wa gagwe bohle go beng Methodist, basadi ba go loka, banna ba go loka, le se sengwe le se sengwe, le yo mongwe le yo mongwe wa batho ba gagwe, sehlopha ka moka, se tlile ka gare le go amogela kolobetšo ya Moya wo Mokgethwa, ntle le o tee. Go bogela Modimo . . .

⁵⁸ Gomme Ngwanešu Banks le nna re rata go tsoma sehlorana.

Ga ke tsebe ge eba e ka ba mang. . . Ke ba bakae ba kilego ba ya go tsoma dihlorana? Oo, nna! O tšwa karolong efe ya Kentucky golebjala? Le a bona? Gomme, ga go go tsoma boka gona, e ka ba kae le gannyane. Gomme, re tsoma dihlorana ka raborolo ya .22, mothunyo wa dijarata tše masometlhano, dithunya leihlo, gomme re no se hwetše dihlorana tše dintši kudu, eupša re ne nako ye kgolo ge ke eya maikhutšong.

⁵⁹ Gomme, letšatši le lengwe tlase kua, e be e le, lehlabula le be le omile ka kgonthe, mengwaga ye mebedi ya go feta, gomme re be re kampile ntle, ga se nke ra hlapa dibekeng tše mmalwa, le maledu gohlegohle sefahlegong sa rena, le madi a sehlorana, re be re le tlhakahlakano. Eupša, ke be ke thekga ditho go tšwa dikopanong, mohuta wa go ya morago ka go tlhago, ka mehla ke bona Modimo ka tlhagong ya Gagwe, a šeditše tsela ya Gagwe ye e filwego. Hlokomelang. Gomme ka gona, go bile go oma kudu, ge re gatela ka dithokgweng, tšona dithokgwa tša go alega, go robega go gonnyane go tee ga letlakala, gomme le bolela ka Houdini ka go beng rabokgabo wa go phonyokga, ke magogorwane ka thoko ga ye nngwe ya tšona dihlorana, [Ngwanešu Branham o thwantšha menwana ya gagwe—Mor.] o ile, ka mokgwa *wola*, gomme go thunya mothunyo wa raborolo, gomme morago leihlo, ke selo se sethata go se dira.

⁶⁰ Kafao, Ngwanešu Banks o rile, “O a tseba, ke tseba mo go nago le monna yo a nago le diakere tše makgolotlhano tša dikgwa tšohle ka masoding.” Ke ba bakae ba tsebago se lesodi e lego sona? Go lokile. Gomme, ke tlase ka moeding boka, moo meetse a kitimago go kgabola, o rile, “Re ka kgona go ya tlase kua le go sepela.” Kafao, re ile tlase go bona monna yo, o rile, “Selo se nnoši ke, gore monna yo ke mosedumelemodimo, mosedumele wa go šiiša kudu.”

⁶¹ Gabotse, re ile go kgabola mašemo le se sengwe le se sengwe go fihla re fihla morago lefelong la gagwe. Gomme ge re fihla morago go lefelo moo mosedumelemodimo yo, mosedumele, a phetšego, fale o dutše ntle ka tlase ga mohlare, yena le mokgalabje yo mongwe ba dutše ntle kua, ka dikefa tša bona di gogetšwe fase, ba sohla motšoko le go tshwa, ka mokgwa woo. Kafao, Ngwanešu Wood o tšwetše ka ntle ga koloi, gomme o ya godimo, gomme o rile, “A nka tsoma sehlorana lefelong la gago lebakana le lennyane?”

O rile, “Leina la gago o mang?”

O rile, “Wood.”

O rile, “Ke wena Wood ofe?”

Gomme o rile, “Banks.”

O rile, “A ke wena mošemane wa Jim Wood?”

O rile, “Ee.” Yoo e be e le tatagwe.

O rile, “Gabotse, mošemane e ka ba mang goba e ka ba mang wa batho ba Jim Wood o amogetšwe e ka ba kae lefelong la ka ba nyakago go tla.”

Kafao, o rile, “Ke tlišitše modiša wa ka mmogo. A a ka tsoma le yena?”

Moisa yo wa go tšofala o tshwele gomme a re, “Wood, ga o re go mpotša o na le gampe go lekanela, go fihla o rwala moreri le wena kae kapa kae mo o yago?”

Gomme kafao, ke naganne e be e ka ba nako go nna go tšwela ka ntle ga koloi, kafao ke tšwetše ka ntle ga koloi le go sepela go dikologa fale, ke rile, “Go bjang?”

O rile, “Gomme wena o moreri?”

Ke rile, “Ee, mohlomphegi.”

⁶² Gomme pele Ngwanešu Wood a hwetša sebaka go ntsebiša, gobaneng, o rile, “O a tseba, bothata ka lena baisa,” o rile, “le gobola mohlare wa phošo.” Le a tseba ke eng, mpša ya phaga ye e gobolago mohlare wa go fošagala, ke moaketši, le a bona, gomme phaga e tlogile, gomme ga a gobola selo. Kafao, o rile, “Lena baisa le gobola mohlare wa phošo kudu bjalo.”

Ke rile, “O ra eng?”

⁶³ O be a sa dumele go be go le selo se sebjalo bjalo ka Modimo, gomme o be a sa tsebe selo ka sona. “Gabotse,” ke naganne, “bjale, moisa yola wa kgale ga se yo mobe, ga a re go ba ka tsela yeo.”

⁶⁴ O rile, “Ba bolela ka *se*, gomme ba bolela ka *sela*, gomme ga go selo go yona. Ke bile thwi mo, gomme ga se ka ke ka bona selo se se swanago le sona, ke kgona go lebelela godimo ka tsela *yela*, gomme ga ke bone selo, ke lebelela ka tsela *ye*, ga ke bone selo.” O rile, “Gobaneng, bona ba . . .”

⁶⁵ Le a bona, bothata bja yona ke, go no swana le batho ba etla go ye nngwe ya kopano, go na le mehlare ye mentši kudu o ka se kgone go bona dikgwa. Yeo e no ba yona. Le a bona? Kafao nako yeo, o dutše fale, le a tseba, lebakana le lennyane, gomme ke naganne, “Morena, ge O ka no nthuša bjale, mohlomongwe re ka kgona go swara moisa wa kgale bakeng sa Mmušo wa Modimo.”

⁶⁶ Gomme go be go le mohlare wa moapola o eme fale, gomme dinopodila (Ke ba bakae ba tsebago se senopodila se lego?), o be a . . . di be di eja diapola, gomme ke obeleditše fase le go topa, ke rile, “A nka ba le ye nngwe ya diapola tše?”

⁶⁷ O rile, “Ithuše wenamong, dinopodila di a di ja.” Kafao, ke thoma go e fogohletša, ka mokgwa *woo*. Gomme o rile, “Go bile le moreri o tee, nako ye nngwe, fa e ka ba mengwaga ye meraro ya go feta, goba ye mene, yo a tlilego godimo mo toropong ye nnyane e bitšwago Acton.” Gomme o rile, “Acton ke lefelo le lennyane la nthatana moo ba nago le lepatlelo la kampa la Methodist.” O rile,

“Moreri yo o tlike tlase go tšwa Indiana, gomme o bile le lefelo lela le pakelane ntle, le tletše batho, fale lebaka la mašego a mararo.”

⁶⁸ Gomme o rile, “Mohumagadi wa kgale *Leina tsoko* godimo fa mo thabeng o bile le kankere ka mogodung wa gagwe, gomme,” o rile, “o bile gampe kudu ga se ba kgona go mmea godimo ga pane ya mpete gape, ba ile ba swanela go šomiša lakane.” Gomme o rile, “Mosadimogatša le nna re be re tla ya godimo kua gabedi ka letšatši gomme ra mo fetolela mpete.” O rile, “Dingaka di mo hlobogile go hwa dibeke pele ga fao gomme,” o rile, “go be go se selo se ka dirwago, o be a sa kgone le go bolela gape, ebile o be a sa kgone go boloka meetse a borutho ka mogodung wa gagwe.”

⁶⁹ Gomme o rile, “Samme wa gagwe o ile tlase kopanong yela bošegong bjoo gomme,” o rile, “moreri yo, a emego godimo fale, ga se nke a ke a ba ka nageng ye pele bophelong bja gagwe, o lebeletše morago godimo ga batheeletši gomme o rile, ‘Mosadi yo a dutšego morago mo o bitšwa *Semangmang*. Ge a tloga gae bošegong bjo, o beile se- . . . tšere go tšwa go trowara ya diaparo ka lehlakoreng la letsogo le letona sakatuku se sennyane ka seswantšho se bolou ka go sona, a se bea ka pukung ya gagwe ya potla. Ge a na le samme wa go babja . . . O na le samme wa go babja ka leina la *Semangmang* yo a phelago godimo mo, gomme o hwa ka kankere. O RIALO MORENA, tšea sakatuku se gomme o ye o se bee godimo ga samme wa gago gomme o tla fola.’”

⁷⁰ Gomme o rile, “Mosadi o emeletše go tšwa setulong go tšwa moo a bego a dutše, gomme o ile le go bea sakatuku sela godimo ga mosadi yola.” Gomme o rile, “Gobaneng, ba . . . Ke naganne ba bile le Salvation Army godimo fale ka godimo ga thaba.” O rile, “Ga se ka tsoge ka kwa go goelela go gontši kudu, e ka ba ka iri ya lesomepedi bošegong bjoo.”

⁷¹ Gabotse, e be e le sehlopha sa bona godimo kua ba bea sakatuku godimo ga mohumagadi wa kgale, gomme o fodišitšwe, feela go ya ka Lentšu la Morena, o emeletše, a taboga gohle go dikologa, a goelela, a tumiša Morena.

⁷² Gomme o rile, “Mosong wo o latelago, mosadimogatša le nna re ile godimo kua.” O rile, “Go be go le thari, e ka ba bošegogare, re naganne mohumagadi wa kgale, re be re mo lebeletše go hwa motsotso e ka ba ofe go le bjalo, re naganne bao e be e le bana ba gagwe ba goelela, gore o šetše a fetile.” Gomme o rile, “Re ile godimo kua mosong wa go latela, o be a le fao le monnamogatša wa gagwe ba dutše, tafoleng ba eja diphae tša go gadikwa tša apola le go nwa kofi.” Gomme o rile, “O dira mošomo wa gagwe mong le mošomo wa moagišani.”

Ke naganne, “Oo, oo. Ke ka lebaka leo. . . Ke thakgetše o boletše seo.”

Gomme Ngwanešu Banks a thoma go re, “Gabotse, yoo. . .”

Nna, “Uh-uh. O se ke. O a bona? O se ke.” Ke rile, “A go bjalo?”

O rile, "Ee, go bjalo."

Ke rile, "Ga o dumele seo."

⁷³ O rile, "Eya thwi godimo kua gomme o hwetše." Le a bona, o be a ntherela morago nako yeo. Le a bona? Le a bona? "Eya thwi godimo kua gomme o hwetše, leina la gagwe ke *Semangmang*, o dula thwi go dikologa khona."

Mokgalabje yo mongwe a dutšego fale, o rile, "Yeo ke nnete." Le a bona?

Gomme ke rile, "A o ra gore yeo ke therešo?"

O rile, "Gabotse, eya o ikhweletše wenamong."

Ke rile, "Nna!" Ke rile, "Leina la mothaka yola e be e le mang?"

O rile, "Ga ke tsebe." O rile, "Ke a le lebala." O rile, "Moreri tsoko go tšwa godimo ka Indiana," o boletše.

Gomme ke rile, "Ee, mohlomphegi." Gomme, ke be ke eja apola yela, le a tseba, gomme ke rile, "Yeo ke apola ye botse."

O rile, "Oo, ya." O rile, "Ke yo mokaone, re a o khena ngwaga wo mongwe le wo mongwe."

Ke rile, "Mohlare wola ke wo mokae bogolo?"

"Oo," o rile, "re. . . Ke bjetše mohlare wola fale nnamong e ka ba mengwaga ye masometlhano ya go feta, se sengwe boka seo." O be a le masomešupa tshela, ke a nagana e be e le.

Ke rile, "Ee, uh-huh." Ke rile, "Ke nyaka go go botšiša potšišo."

⁷⁴ Gomme o rile, "Ee, mohlomphegi." O be a satš o fetša go re, "Ge moreri yola a ka tsoge a tla morago mo, go bonala o ka re o be a na le se sengwe godimo ga kgwele." O rile, "Ke ya go mo mmošiša: O tsebile bjang mosadi yola o be a le ka sebopego sela, gomme o tsebile bjang o be a eya go fola?"

Gomme ke rile, "O re o bjetše mohlare wola fale botelele bjalo bja go feta?"

"Ee."

⁷⁵ Ke rile, "Ke nyaka go go botšiša potšišo. E no ba e ka ba bogare bja Agostose, ebile ga se re be le bošego bja go fola. Gobaneng matlakala ale a hlohlorega go tloga mohlareng?"

"Oo," o rile, "bophelo bo a tlogetše."

"Oo," ke rile, "a yeo ke nnete? Gabotse, go diregile eng ka bophelo?"

"Oo," o re, "bo ile tlase ka medung ya mohlare."

Ke rile, "Gobaneng bo ile tlase fale?"

O rile, "Gabotse, ge bo sa dire, bo tla hwa, marega a tla bo bolaya, hlaku ya bophelo e ka se dule godimo ka go mohlare wo fa."

Ke rile, “Oo. Gabotse,” ke rile, “ke eng e e hlolago go ya tlase pele ga ge go na le tllhaselo e ka ba efe ya go tonya?”

“Gabotse,” o rile, “bo no ya tlase.”

Gomme ke rile, “Gabotse, bjale. . .”

O rile, “E no ba tlhago, gabotse bo no ya tlase.”

⁷⁶ Ke rile, “Gabotse, ge nka hwetša pakete ya meetse gomme ka e bea ntle mo godimo ga kutu yela ya tšie, e tla, ge lehlabula la ngwaga le etla mmogo, a meetse ale a tla tšwa ka paketeng thwi tlase go botlase bja kutu, gomme seruthwane se se latelago a tla morago godimo, a tliša godimo pakete ye nngwe ya meetse?”

O rile, “Aowa.”

⁷⁷ Ke rile, “Gona go swanetše go ba Bohlale tsoko, mohlare wola ga o ne bohlale, ke—ke mohlare, semela, go swanetše go ba mohuta tsoko wa Bohlale go bo dira go ya tlase go uta bophelo bja wona, gomme morago bja tla morago godimo go go tlišetša sehlopha se sengwe sa diapola.”

O rile, “Gabotse, o a tseba ke eng?” O rile, “Ga se ke nagane ka yona feela ka tsela yeo.”

⁷⁸ Gomme ke rile, “Ke a go botša, o nagana ka seo, gomme neng kapa neng o ka hwetšago Bohlale bjoo bo rego go mohlare wola, ‘Hlohlora letlakala la gago, potlakela morago tlase ka medung, gomme o dule kua, gomme seruthwana sa go latela boa morago gape,’ ge o hwetša ke Bohlale bofe bjo bo laetšego mohlare wola go dira seo, ke tla go botša ke Bohlale bofe bjoo bo mpoditšego mosadi yola o be a ehwa ka kankere, gomme bea sakatuku godimo ga gagwe, o tla fola.”

O rile, “Ga o moreri yola?”

Ke rile, “Ee, mohlomphegi, ke nna. Ke nna Ngwanešu Branham.”

O rile, “Leo ke leina.”

⁷⁹ Mokgalabje yola o bile Mokriste, o file pelo ya gagwe go Kriste. Ngwaga wa go feta Ngwanešu Wood le nna re be re le tlase fale, gomme ke outletše godimo go bona mokgalabje, gomme mosadimogatša wa gagwe o be a dutše ka morago a kgobela diapola go tšwa mohlareng wa go swana. Gomme ke tlile godimo le go bolela le yena, gomme o rile, “Ngwanešu Branham, kanegelo yela ye bonolo ye nnyane e hlhletše ngwanešu wa kgale go Kriste, o hwile ka tumelo ya Bokriste ngwaga wa go feta.”

⁸⁰ Bjale, e be e le eng? O hweditše tsela ye e filwego ke Modimo, ka go lebelela ka tsela ye A kgonnego go fa tsela ya go phonyokga ya lehu la mohlare wola, o hweditše tsela ye e filwego yeo Modimo a mo filego go phela gape. E nong go šetša tsela ye e filwego ke Modimo. Modimo ka mehla o dira tsela ye e filwego, ka go ye re swanetše go e latela.

⁸¹ Bjale, Modimo o dirile tsela ye e filwego bakeng sa moloko wa motho go phonyokga dikahlolo tše di tlago. Ka matšatšing a Noage Modimo o dirile tsela ye e filwego. Eupša ge Modimo a dira tsela gomme motho o gana go sepela ka go yona, gona ge ba e foša, ga se phošo ya Modimo, go no swana le ge e se phošo ya toropokgolo ge o tshela roboto. Le a bona? O dirile tsela. Gomme Modimo, pele A be a eya go senya lefase, O agile. . . o bile le areka e agilwe, e sego seo feela, eupša O file moprofeta ka Lentšu la Gagwe go direla batho tsela ya go phonyokga, le bohle ba ba dumetsego le go sepela ka tsela ye e filwego ke Modimo, ke motseta yo a filwego ke Modimo go ba šupetša go tsela ye e filwego ke Modimo, ba phonyokgile kgalefo le kahlolo ya lehu.

⁸² Modimo o na le Motseta bošegong bjo, a bitšwago Moya wo Mokgethwa, Yena ke Lentšu. Gomme Lentšu. . . Yena ke—Yena ke Yena yoo a bonagatšago Lentšu, eupša o swanetše go sepela ka tsela yeo. Le swanetše go theetša Motseta wa Modimo, e lego Lentšu la Gagwe gomme le sepele ka tsela yeo, ke tsela ye e lokišeditšwego, go ba. . . go phonyokga.

⁸³ Jobo, ye nngwe ya Dipuku tša kgalekgale tša Beibele, e ngwadilwe, ba a tleleima, pele Genesi e ngwalwa. Gomme Jobo, ka go ba monna wa go loka, monna wa go boifa Modimo, gomme o tsebile go be go le Modimo felotsoko, gomme o be a nyaka go tseba ge eba o be a ka tla go Yena ka matšatšing a tlalelo ya gagwe. O rile, “Ge feela nkabe ke tsebile mo A dulago, gomme ke be nka kgona go ya go kokota [Ngwanešu Branham o kokota godimo ga phuluphithi—Mor.] godimo ga mojako wa Gagwe le—le go bolela le Yena, ge ke be nka kgona feela go hwetša tsela, tsela ye nngwe, ye nka kgonago go bona Modimo!”

⁸⁴ Gomme, Modimo o boletše le yena le go dira tsela ye e filwego. Gomme, o nyakile go hwetša maditsela, se sengwe se se ka kgonago go ema magareng ga motho wa modiradibe le Modimo yo mokgethwa, le go bea diatla tša gagwe godimo ga Modimo yo mokgethwa, le seatla sa Gagwe godimo ga motho wa modiradibe, gomme a dira tsela gare ga ba babedi, a dira khutšo. Modimo o tlile fase ka sesasedi, Jobo a tlema matheka a gagwe, Modimo o bile le tsela ye e filwego, gomme Moya wa Modimo o tlile go moprofeta. O bone go Tla ga Kriste gomme o rile, “Ke a tseba Molopolodi wa ka o a phela, gomme mo matšatšing a mafelelo O tla ema mo lefaseng le. Le ge diboko tša letlalo di senya mmele wo, efela ka nameng ya ka ke tla bona Modimo.” Amene. Le a bona? Modimo o be a mo laetša tsela ya Gagwe ye e filwego.

⁸⁵ Jobo 14, o bone mehlare, o rile, “Ge mohlare o ehwa, go na le dikholofelo go wona go phela gape. Eupša motho o a hwa, ya, o neela moya le go senyega, o kae? Ge barwa ba gagwe ba etla go lla, go mo hlompha, gomme ga a e bone. O gore Wena o tla nkuta ka lebitleng, wa mpoloka ka lefelong la sephiri go fihla bogale bja Gago bo fetile!”

⁸⁶ O be a kgonā go kwešiša gore le—gore letšoba le hwile, le phetše gape; gomme mohlare o hwile, o phetše gape; eupša o rile, “Motho o robala fase, o neela moya, ga a mmone a etla morago gape.” O beile peu lefaseng, o e bone e ehwa, e bola, e tliša pele bophelo bjo bongwe, eupša motho o ile ka leroleng gomme o robetše fale. Kafao, Modimo o be a hlatholla go yena gore lebaka leo motho a robetšego fale ke ka baka la gore motho o dirile sebe le go tšwela ka ntle ga tsela ye e filwego ke Modimo, tsela ya setlogo, le tsela ya setlogo go motho go phela e bile ka Lentšu la Modimo.

⁸⁷ Modimo o šireleditše Kereke ya Gagwe ka Lentšu la Gagwe, gomme ge Ba tlogile go Lentšu lela, feela mosepelo o tee wo monnyane wa lona, o hlotše sohle se, bohloko bja pelo bjo bongwe le bjo bongwe, maswabi a mangwe le a mangwe, manyami a mangwe le a mangwe, serapa sa mabitla se sengwe le se sengwe, go tšofala go gongwe le go gongwe, le bolwetši bjo bongwe le bjo bongwe, mokomane wo mongwe le wo mongwe, tlaišego ye nngwe le ye nngwe e hlotšwe gobane moloko wa batho o nno theetša go fa mabaka sebakeng sa Lentšu. Seo se hlotše selo ka moka.

“Oo,” o re, “gabortse, ka kgonthe ga e dire phapano e ka ba efe.”

⁸⁸ E dira phapano. Modimo, le Motseta wa Gagwe, o boditše Loto le mosadimogatša wa gagwe, le bana, “Ebile le se lebelele morago.” Gomme mosadimogatša wa Loto, le bana ba gagwe mong le ditlogolo ba eswa ka go dikahlolo tša Modimo, mme, o nno retolla hlago ya gagwe gannyane, a lebelela morago, gomme o be a rogilwe go pilara ya letswai. O swanetše go boloka Lentšu le lengwe le le lengwe la Yona. “Motho a ka se phele ka borotho feela,” go boletše Jesu, “eupša ka Lentšu le lengwe le le lengwe le tšwago molomong wa Modimo.”

⁸⁹ Jobo o tsebile nako yeo monna yola o be a dirile sebe, eupša nako yeo Modimo o mmontšhitše tsela ya go tla ga Gagwe e filwego, moo go tla tlogo yo Motee a ka kgonago go bea seatla sa Gagwe godimo ga motho wa modiradibe le Modimo yo mokgethwa, gomme a dira tsela leporogo. Gomme o rile, “Ke a tseba Molopolodi wa ka o a phela, gomme mo matšatšing a mafelelo O tla ema godimo ga lefase. Le ge diboko tša letlalo di senya mmele wo, efela ka nameng ya ka ke tla bona Modimo, Yo ke tla mmonago nnamong, mahlo a ka a tla bona gomme e sego yo mongwe.” Haleluya! Molopolodi yola o tlile feela ka nako.

⁹⁰ Nako ya Israele e tlile bakeng sa tokologo, Modimo o file moprofeta ka Lentšu la setlogo la tshepišo, tsela ye e filwego ke Modimo. Bjale, Israele e be e le ditlemong. Bjale, Moshe o e fošitše pele, o be a le monna wa sešole, o naganne, “Ke tla ya ntle le go bolaya ba se kae ba bona, ba tla mpoifa.” Le a bona?

⁹¹ Seo ke se motho ka mehla a lekago go se dira, go tšea, go dira phihlelelo ya gagwe mong, eupša o ka se kgone, tsela e šetše e dirilwe, Modimo o dirile tsela. Le a bona? Ga go kgathale ke ofe yo mogolo, Mojuda wa setswerere a ka bego a phagametše godimo le go re, “Le a tseba ke eng? Re ka kgona go rula ditšhoša tša rena, gomme re ka kgona go otlala setšhaba se,” seo se ka se tsoge sa šoma. Modimo o bile le tsela ya go e dira, gomme Modimo o be a ba tshepišitše gore O be a eya go e dira.

⁹² Gomme, ge Modimo a rometše monna tlase, moprofeta, yo Lentšu le tlogo go yena, o bile le Lentšu la Modimo la setlogo, “Ke kwele dikolomelo tša batho ba Ka gomme Ke gopola tshepišo ya Ka,” (Haleluya!) gore Modimo ga a fetoge, O dula le Lentšu lela, leletere ka leletere. E sego seo feela, eupša O be a hlatseditše moprofeta wa Gagwe, o tlile fase, o bile le Pilara ya Mollo godimo ga gagwe, e mo hlatseditše. O be a le wa Modimo. . . Yoo e be e le Modimo a netefatša gore monna o be a rereša, gobane o be a le tlwa le Lentšu. Oo, nna! O rerile Lentšu, Modimo o šomile ka yena, a tlišetša Mantšu ka maswao a latela. Tlwa se Modimo a boditšego Moshe go se dira, Moshe o se dirile.

⁹³ Moshe o be a na le baekiši ba bantši, eupša ka go taba ye nngwe le ye nngwe Modimo ka mehla o nametše phulawatle ka godimo ga baekiši bohle gomme a e tliša gabotse. Jesu o rile. . . Beibele e bolela gore, “Ka matšatšing a mafelelo bjalo ka ge Jamboro le Janne ba emelane le Moshe, go bjalo banna ba tla ema godimo ka matšatšing a mafelelo,” kekišo, e e tshepišitše.

⁹⁴ Eupša, ge Moshe a lahletše lepara la gagwe fase, gomme baisa ba ba emego fale ka kgopolo ya godimodimo ba lahletše mapara a bona fase, ba dirile selo sa go swana seo Moshe a se dirilego, feela, Moshe o be a latela mothalo wa Modimo (Gomme go diregile eng? Ga se gona motho a ka go se dira, o phethagaditše mošomo wa gagwe. Ge o dira se sengwe le se sengwe o ka kgonago go se dira ka mothalong wa mošomo, gona ke taba ya Modimo go fa tsela go. . .? . . . Modimo o tla ineela sehlabelo Yenamong. Le a bona?) gomme Moshe o lahletše lepara la gagwe fase, gomme Arone a lahlela la gagwe fase, gomme a fetogile disephente, gomme fa go tla bagopodi ba godimodimo, gomme ba lahlela mapara a bona fase, gomme a fetoga, gomme ka gona Moshe o be a ka se kgone go dira selo gape, ka gona Modimo o file tsela: Mapara a bona a jele a mangwe. Go diregile eng ka lepara? A noga e bile ye kgolwane, goba go diregile eng? Oo, Modimo o sa ne tsela ye e filwego, gomme O kgona go dira tsela, mola go se tsela ye nngwe, Yena ke tsela! Amene.

⁹⁵ Ge Baegepete ba be ba sa dumele wona maswao ao Moshe a a dirilego, ba be ba sa le dumele, ka gona le tlišitše lehu. Gomme ge motho a sa dumele Lentšu la Modimo, ka mehla le mo aroganya go tloga go Modimo. Ge Efa a šitilwe go dumela Lentšu la Modimo le mo arogantše le Adama go tloga go Modimo, gobane ba babedi ba be ba le batee. Hlokomelang, ge motho e ka ba mang

a sa dumele Lentšu la Modimo, Lentšu la Modimo ke Tsela ye e filwego ke Modimo, ga go yo a ka oketšago eng kapa eng go Lona goba go tšea eng kapa eng go tšwa go Lona, Le swanetše go no ba ka tsela ye Le ngwadilwego, bjale, ge e ka ba mang a tloša go Lona goba a oketša go Lona, gobaneng, o ikaroganyanya yenamong go tloga go Modimo, o arogane nako yeo.

⁹⁶ Baegepeta ga se ba dumela leswao la moprofeta yola gore o tlile tlase kua le go dira ka bogoneng bja bona bohle, bjale, bjale, o . . . seo se tliša lehu, lehu ke karogano. Gomme ge lehu le be le loketše go ratha, Modimo o dirile sebaka go aroganya badumedi go tloga go basedumele, gomme seo e bile ka madi. Madi a dirile karogano. Yo ka kgonthe a dumetšego o tlile ka tlase ga madi, bona bao ba sa dumelago ba dutše go tšwa ka tlase ga madi.

⁹⁷ Gomme yeo ke tsela ya go swana go lego lehono, badumedi ba dula ka tlase ga Madi. Yeo ke nnete. Ke lefelo le nnoši go dula ga polokego. Go lokile. Madi a hlotše karogano gare ga modumedi le mosedumele gobane Madi a rwala Bophelo. Madi, Bophelo bo ka Mading, ka fao Bophelo . . . Madi a ka Bophelong, gomme modumedi o dula ka Mading, a mo tlišago Bophelong bjo Bosafelego, gomme mosedumele o tšea thutotumelo ya gagwe gomme a ya pele. Yeo ke nnete. Ga go tsela ya go tloga go yona. Go lokile.

⁹⁸ Ka morago ga ge Moshe a ba hlahletše ntle, o tlile go Lewatle le Lehubedu, thwi ka tseleng ya mošomo, fao Lewatle le Lehubedu la ba ripa. Moshe o be a hloka leporogo, Modimo o file phefo. Amene. Kafao, Moshe o be a sa . . . o be a ka se šomiše leporogo, o tšere tsela ye e filwego ke Modimo, gomme o sepeletše pele go leba lewatleng, gomme e ile ya bulega, gomme Moshe le Israele ba ya ka mošola godimo ga naga ya go oma, ka gore ba latetše tsela ye e filwego ke Modimo.

⁹⁹ Go kgabola lešoka ba tlile, leeto, mahloko a pelo le manyami ge ba fetile go kgabola. Moshe o tšofetše, lekgolo le masomepedi a mengwaga bogolo, gomme letšatši le lengwe o be a eya go hwa, kafao o nametše godimo ntlhoreng ya Thaba ya Pisiga. Gomme ge a be a sa le godimo kua a lebelela naga ya tšhepišo, lehu la mo ratha, moprofeta yola wa go botega wa Modimo, mola go se gwa ke gwa ba yo motee a phetšego boka yena, eupša lehu le mo rathile, gomme ge lehu le mo rathile, o hlokile lefelo leo a ka hwelago, Modimo o file leswika, leswika lela la go swana leo le mo latetšego go kgabola lešoka, o nametše godimo ga leswika gomme a hwa. Ka gona o be a hloka barwalalepokisi go mmoloka, gomme Modimo o file Barongwa, gomme ba tla ba ma rwala go tloga felotsoko . . . ? . . . E be e le eng? Modimo! Ge re ka sepele ka go tsela ye e filwego ke Modimo, Modimo o tla fa se sengwe le se sengwe re se hlokago. Modimo o a fa, ga go kgathale maemo ke eng, O a fa.

¹⁰⁰ Henoge, letšatši le lengwe, yo a sepetšego mengwaga ye

makgolotlhano pele ga Modimo, gomme o bile le bopaki o Mo kgahlile (Amen. A bopaki!), mengwaga ye makgolotlhano gomme o bile le bopaki o kgahlile Modimo, gomme letšatši le lengwe a thoma go tšea mosepelo wa morago ga sekgalela, gomme o be a hloka tsela, gomme Modimo a mo fa tselalephefo, gomme o sepeletše thwi ntle ga fa, thwi godimo ga lelere la Jakobo, goba, tselalephefo, a eya godimo Gae. Le a bona? Modimo o mo file tsela go ya Gae. Nnete.

¹⁰¹ Eliya, morago ga ge a kgakgamolotše Isebele kudu... Re hloka yo mongwe lehono. Yeo ke nnete. A mo kgakgamolotše... Ka fao... Re hloka yo motee lehono. Ka fao batho... Oo, ke kgobogo, go se batho ba se dirago lehono, e no ba... gomme bohle ba bona ba ipitša Bakriste bonabeng. Gomme ye nngwe ya fešene ye yeo basadi ba rena ba sebjalebjae ba e aperego, ba bangwe ba basadi ba ka mekoto ya meriri ya hlogomeetse, le a tseba... [Ga go selo godimo ga theipi—Mor.]

¹⁰² Ke bone lephera, eupša ga se nke ka bona e ka ba eng boka yeo. Mosadi yola o be a na le mahlo a mahubedu le bolou, dilo tše tsotho gohlegohle sefahlegong sa gagwe, ye nngwe ya yona mekoto ya meriri ya hlogomeetse. Ke mo kwetše bohloko kudu, ke be ke eya go ya godimo le go re, “Kgaetšedi, ntshwarele. Phošo ke eng ka wena? Ke nna moromiwa. O nyaka ke go rapelele? Ke rapelela balwetši.” Gomme ge ke be ke sa ya godimo go mosadi, ba babedi goba ba bararo gape ba tla godimo ka tsela ya go swana, ke naganne, “Bobotse bja mogau, ka kgonthe go ka se be gampe bjalo.” Go šiiša. Oo, nna, nna, nna! A kgobogo! Ee.

¹⁰³ Gomme Eliya o be a kgakgamolotše bahumagadi ba pele ba naga, le go ya pele, gomme o be a lapile le go kgathala, o be a eya Gae. Haleluya! O tsheletše mošola wa Jorodane, gomme o hlokile lelere, eupša Modimo o mo rometše dipere tša mollo le koloi ya mollo. O bile... Modimo o bile le tsela ye e filwego ya go tšea wa Gagwe wa kgale, moprofeta wa go lapa go tšwa go yona. Ke thakgetše kudu gore O sa dutše a le Modimo.

¹⁰⁴ Joshua, ka morago ga lehu la Moshe, o tlile tlase nokeng ya Jorodane, o be a hloka leporogo, gape, go tshela, eupša Modimo o mo fa maatla, Moya wo o emišitšego noka, gomme wa mo swara godimo kua ka dithabeng go fihla ba sepela go kgabaganya godimo ga naga ya go oma. Tumišang Modimo.

¹⁰⁵ Daniele, thwi ka go emeng ga mošomo, a eme fale bjalo ka moprofeta pele ga Modimo, a bolela Lentšu la Modimo, gomme a gana go koba letolo la gagwe go selo se sengwe le se sengwe, thwi ka mothalong wa mošomo, o lahletšwe ka legolong la ditau tše di swerwego ke tlala, ditau tša go befelwa. O be a hloka maditsela, o be a hloka fentshe go mo fentshela go tloga go ditau, eupša Modimo o rometše Morongwa, tsela ye e filwego ke Modimo bakeng sa gagwe. Daniele o nyakile fentshe mohlomongwe, eupša Modimo o rometše mo... o rometše Morongwa yoo a

filego tsela bakeng sa gagwe. Modimo o makatša bjang, ge re no sepeka ka tsela ya Gagwe ye e filwego!

¹⁰⁶ Bana ba Baheberere ba hlokile lethopo, lethopo la mollo, tlase ka leubeng la mollo letšatši le lengwe, gape ba eme go botega, thwi ka mothalong wa mošomo. Ba be ba hloka lethopo go tima mollo, eupša Modimo o ba rometše Monna wa bone, e makaditše kgoši, tsela ye e filwego ke Modimo.

¹⁰⁷ Banna ba bohlaletse go tšwa bohlabela ba be ba lebeletše Naledi ya Jakobo go tsoga. Ba be ba lebeletše mohlahlhi go ba tšeela go Yona, gomme ba be ba nyaka mohlahlhi, gomme Modimo a ba romela naleli, Yena a ba hlahlela thwi tlwa go Kgoši ye nnyane.

Ke kgona go kwa mosadimogatša wa Belesa a re, “E re, Belesa, o ya kae?”

¹⁰⁸ “Ke ya tsela yohle go ya Jerusalema.” Oo, nna! Yeo e be e le ka bohlabela, moragorago godimo ka India. O be a le godimo kua kgauswana, ba sa dula ka tsela ya go swana, banna ba bohlaletse mekgotheng ka boraro. Gomme, o rile, “Ke ya ntle.” Gabotse, ba ile ba swanela go ba le khamphase go ba hlahla.

O re, “Gabotse, fa, o lebetše khamphase ya gago.”

¹⁰⁹ “Ga ke e tšee nako ye, ke ya ka tsela ye e filwego ke Modimo.” Amene. “Ke ya ka tsela ye e filwego.” E mo hlahlela thwi go otlologa go ya go Kgoši ye mpsha ye e tswetšwego.

¹¹⁰ Letšatši le lengwe lefase le nyakile Mophološi, ba hlokile Mophološi, Modimo o file Morwa wa Gagwe, Jesu, Mophološi, o dirile Sehlabelo; O be a le Maditsela, O be a swanetše go ema gare ga modiradibe le kotlo ye Modimo a e beilego godimo ga gagwe, o ema gare ga lehu le bophelo, hele le Legodimo, O be a le Maditsela wa Modimo, Mophološi.

¹¹¹ Morago ga ge A hwile, a bolokilwe, le go tsoga gape, Kereke e hlokile maatla go rera Ebangedi ya Gagwe. Bjale, ga se A ba fa thuto, ga se A ba agela sekolo, ga se A ba hlomela mokgatlo, eupša O ba file Moya wo Mokgethwa, yeo e be e le tsela ye e filwego ke Modimo. Modimo o na le tsela ye e filwego, re leka go dira tsela ye nngwe, eupša Modimo o na le tsela ye e filwego, ka mehla go kaonekaone go latela tsela ya Gagwe.

“O tla amogela maatla ka morago ga ge o na le Grata ya Bokgabo ya gago. O tla amogela maatla ka morago ga ge o bile letikone.”

¹¹² “Le tla amogela maatla morago ga se, Moya wo Mokgethwa o tlile godimo ga lena. Gona le tla ba dihlatse tša Ka ka Jerusalema, Judea,” le Victoria, “le go ya dikarolong tša kgolekgole tša lefase.” Ee, mohlomphegi.

¹¹³ Ka morago ga mengwaga ye dikete tše pedi ya gosedumele, le go wa, le dithutotumelo, le dithuto, le dithutotaelo di oketšwa go kereke, ba be ba hloka leswao go hwetša ge eba O be a sa phela goba aowa. Oo, nna! Modimo o bile le tsela ye e filwego, netefatšo

ya tso go ya Gagwe, leswao le A le tshepišitšego go Peu ya bogoši ya Abraham. O tshepišitše go Peu ya bogoši ya Abraham gore leswao la go swana le Abraham a le bonego, bjalo ka ge re tšere bošegong bja go feta, Peu ya gagwe ya bogoši e tla bona leswao la go swana, gomme re phela nakong ya mantšiboa ge moprofeta a rile, “Go tla ba Seetša nakong ya mantšiboa.”

114 Ke eng? Tlhabologo e sepetše le letšatši, tlhabologo ya kgalekgale re nago le yona ke India, goba, aowa, ke ra China, gomme ka gona tlhabologo e sepetše le letšatši, gomme hlokomelang, gomme e tliile go fihla re fihla Lebopong la Bodikela. Bjale, ba ka se kgone go ya pejana go itšego, ge ba eya, ba ya morago bohlabela gape. Gomme hlokomelang, “Go tla letšatši,” go boletše moprofeta, “gore le ka se bitšwe bošego goba mosegare.” E be e le letšatši la leutu, kgudi, le se tliša godimo mo lebopong, le na le seetša sa go lekanela le ka kgona go bona mokgwa wa go ya tikologong, eupša ga go swane le seetša sa setlogo, letšatši le le hlabago mosong wa go hlaka.

115 Gomme bjalo ka ge l-e-t-š-a-t-š-i le hlaba ka bohlabela gomme la dikela ka bodikela, Ebangedi ya M-o-r-w-a e hlabile ka bohlabela gomme e diketše ka bodikela, gomme bjale letšatši la go swana le le hlabago ka bohlabela, l-e-t-š-a-t-š-i, ke letšatši la go swana le le dikelago ka bodikela, gomme M-o-r-w-a wa go swana (Haleluya!) yola, a lahlelago Seetša sa Gagwe sa Ebangedi, le maatla, le leswao la Gagwe la Bomesia go batho ba bohlabela, ka matšatšing a mafelelo bjale maru a apogetše morago kgole go tloga go Kereke, gomme M-o-r-w-a o hlaba ka phodišo diphegong tša Gagwe, le go tliša pele maatla, bohlatse bja tso go ya Gagwe, gore O sa dutše e le Morwa wa Modimo. “Go tla ba Seetša nakong ya mantšiboa,” tsela ye e filwego ke Modimo, ee.

116 Modimo o file tsela ya Gagwe, leswao la Bomesia, go netefatša gore O gona, go ya ka Bahebere 13:8, “Jesu Kriste wa go swana maabane, lehono, le go ya go ile,” Tsela ya Gagwe ya go swana ye e filwego yeo A bilego le yona bakeng sa Abraham, tsela ya go swana ye e filwego A bilego le yona bakeng sa peu ya tlhago ya Abraham, tsela ya go swana ye e filwego A nago bakeng sa Peu ya bogoši ya Abraham.

117 Re phela ka matšatšing a mafelelo ge dikereke di eba fomale, le dithutotumelo, le dithutotaelo, gomme batho ba ne ye fomale, tsošetšo e fedile, gomme batho ba boela morago ka go mehuta yohle ya ditsela tša go phela. Ga ba sa nyaka go ya kerekeng gape, ba dula gae le go bogela thelebišene, ba ya ntle, gomme basadi ba ikapeša bonabeng ba leka go itshwantšha le Hollywood. Gomme banna, ba ba swanetšego go ba babuši ba ntlo ya bona beng, ba dumelela basadibagatša ba bona go apara dišothi le go kgoga disekerete, gomme ba ipitša Bakriste bonabeng, le go opela ka dikhwaereng le dilo boka tšeo, ge selo sohle se tlala tšhila le mahlatša.

118 Eupša Modimo o rile, “Ke tla bušetša mengwaga yohle yeo mogokong le bojane le diboko tšohle tše dingwe di e jelego. Ke tla bušetša,” go rialo Morena. Kereke yela ya go swana ye e bego e le tlase mošola ka letšatšing la Pentecost ye e welego, le go tlatša kereke, gore kereke ya Roma mafelelong, e ingwadiša ka go mekgatlo, dikerekemaina, e E jele go fihla kutung, eupša Modimo o rile O tla O bušetša ka matšatšing a mafelelo.

119 Seetša sa mantšiboa se tla phadima. Re hloka boebangedi bja nako ya mantšiboa, ka Molaetša wa nako ya mantšiboa, e sego sehlopha sa dithutotumelo. Ba bile le tsheola le kgogolamooko. Lentšu la Sehebere bakeng sa *tsheola* le ra “pula ya go bjala,” gomme morago pula ya go buna. Go bjala, re bile le eng go tšwaka tsošetšong ye? Maloko a mantši. Re bjetše eng? Peu ya kerekeleina; re bunne puno ya kerekeleina.

120 Mabaptist ba bile le selokene se segolo ntle, “Milione bontši ka '44.” Billy Graham, ratsošetšo yo mogolo, yeo ke therešo, re thabela bona banna, eupša se re se hlokago lehono, ngwanešu, ke go bjala Peu ya Ebangedi ya Lentšu la maatla, tso go ya Kriste, Sephedi se se phelago seo se phelago le rena, ka go rena bjale, lebaka la bjale. “Yo a dumelago go Nna, mediro ye Ke e dirago o tla e dira le yena.” Amene.

121 Re tshepišitšwe motseta mo matšatšing a mafelelo, Maleaki 4 e rile, yoo o tla bušetšago tumelo ya bana morago go botate. Bana ba Pentecostal bjale, bao ba tlogago go yona, o tla ba tliša morago go Molaetša wa setlogo wa Pentecost ya setlogo. Halleluya! Ke ikwela bodumedi. Amene. Amene. “Ke tla bušetša.” Modimo o na le tsela ye e filwego lehono, ke Pentecost ye e bušeditšwego, morago go dilo tša go swana, maswao a go swana, Molaetša wa go swana. Amene. Ke lena bao.

122 Ke bolela eng? Tsela ye e filwego ke Modimo, sepelang ka tsela ye e filwego ke Modimo. O re file Motseta, Moya wo Mokgethwa; O re file Lentšu, gomme ge moya e ka ba ofe o bolela kgahlanong le Lentšu e ka se be Moya wo Mokgethwa, gobane Moya wo Mokgethwa o ngwadile Lentšu, “Mathomong go be go le Lentšu, Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Bahebere 4:12, “Lentšu la Modimo le bogale go feta tšhoša ya magalemabedi,” le ripa nama yohle ya lefase go tloga go wena, “gomme ke Mohlathi wa dikgopolo le maikemišetšo a pelo.”

123 “Ke tla bušetša,” go rialo Morena. “Tsela, tselalephefo le tsela, gomme e tla bitšwa tsela ya bokgethwa, wa ditšhila a ka se sepele ka go yona.” Halleluya! O ka se kgone go sepela le Hollywood le Kereke ka nako ya go swana; o ka se kgone go sepela le Modimo le lefase ka nako ya go swana; o ka se kgone go rata Modimo le motho ka nako ya go swana.

124 Se re se hlokago lehono ga se mekgatlo ye mentši, boleloko bjo bontši, eupša re hloka Kereke e hlwekišago go tloga phuluphithing go ya go mohlokamedi, le ye botse, tsošeletšo ya kgale ya Mokgethwa Paulo, le Moya wo Mokgethwa wa Beibele, le batho morago ba sepela ka tsela ye e filwego ke Modimo. Amene. Modimo o na le tsela ye e filwego, a re sepeleng ka go yona.

125 Modimo o tshepišitše ge A be a le mo lefaseng, O tshepišitše, “Mediro ye Ke e dirago le tla e dira le lena,” Jesu o tshepišitše pele, “Bjalo ka ge go bile ka matsatšing a Loto, Sodoma, go tla ba bjalo ka go Tleng ga Morwa wa motho.” Ke eng? Tsela ye e filwego ke Modimo.

126 Sehlopha sa barutiwa se be se le ntle lewatleng nako ye nngwe. Ba be ba šeditše kopano ye kgolo letšatšing lela, gomme ba bone Monna yo a bego a ka kgona go ngwatha borotho, a bo rathaganya, le go bo bea fase, gomme llofo ye nngwe ya borotho e godile go yona, a e bea fase go fihla A fepile dikete tše tlhano. Nna! Ba rile, “Yoo e swanetše go ba Modimo, ga go selo gape se ka kgonago go dira seo eupša Modimo.” Yena šole o be a le.

127 Ba be ba le ntle sekepeng ka lewatleng, ba be ba tlogile ntle le Lona, ba ba tlogile ntle le Yena. Ba be ba le fao, ba tšewatšewa, gomme ba be ba sa tsebe gore ba ya ka tsela efe, mahuduo a be a robegile, sekepe se be se tletše meetse, diseila di be di kgeitšwe, gomme ba be ba se ne tsela go tloga go maatla a Sathane ao a bego a pumpunyega go bona.

128 Ke a makala lehono ge eba ga se ra tloga ka mantladima le rena, ka tsošeletšong, go aga mafelo a maswa, le go šwalalana le go aga ye mpsha, meago ye megolo, le go rera gore go Tla ga Kriste go batametše, mediro ya rena beng e paka kgahlanong le rena. Oo nna, gomme baromiwa ntle le dieta dinaong tša bona! Bothata ke eng, ngwanešu? Se sengwe se fošagetše. Hlokomelang go seemo le ge kereke e tsene ka go sona, eupša Modimo o tshepišitše go tšwa go seo O tla bušetša, O tla tliša morago, O tla dira tsela.

129 Barutiwa ba ntle kua, dikholofelo tšohle di be di ile, ba šetše ba hlobogile, ba rile, “Gabotse, re no se kgone go ya pejana, re no ya go hwa ntle mo lewatleng le bošegong bjo.” Gomme fale go tla Jesu a sepela godimo ga meetse, gomme karolo ya go nyamiša ya yona e be e le, Modimo o be a ba file Tsela ya go phonyokga, gomme ba be ba E boifa, ba rile, “E lebega go ba sepoko. Ooo, yena ke moya.” Gomme ba goeditše bakeng sa poifo.

Jesu o rile, “Se boifeng; ebang ba ba thabilego; Ke Nna.”

Modimo o file tsela go batho lehono go bona gore re phela mo nakong ya bofelo, le se e tšhoge, e dumeleng.

130 A re inamišeng dihlogo tša rena feela nakwana bjale. Modimo o na le tsela ye e filwego, bagwera, e marakilwe ntle gohle go bapa le tsela, ke ye tshese, “Tsela ye e išago tshenyegong

e petleke, eupša tsela ke ye tshese ye e išago Bophelong, gomme go no ba ba sego nene ba bona ba ba tlogo go e hwetša.”

¹³¹ A o yo motee mo bošegong bjo yo a sa tsebego ka tsela yeo, yo a sa tsebego gore go ra eng go sepela ka go tsela ya Bophelo, ga o tsebe Kriste, ga se wa tlatšwa ka Moya? Ke ya go le kgopela, bjalo ka mohlanka wa Gagwe, ka tlhokofalo ya pelo ya ka, ge o le mo gomme o sa Mo tsebe bjalo ka Mophološi wa gago, a o ka phagamišetša seatla sa gago godimo le go re, “Ngwanešu Branham,” ge o phagamiša seatla sa gago, se tla go pakela, “Ke nyaka o nthapediše gore ke sepele ka tsela ye e filwego ke Modimo”?

¹³² O ka no ba o le moleloko wa kereke, seo ga se re selo se tee; lebelelang, o re, “Gabotse, ke phela bjo bobotse, bophelo bja go hlweka,” seo go le bjalo ga se re selo se tee go Modimo. Ke mang—ke mang a ka bago go hlwekahlweki, ke mang a ka bago go bolelwa bokgethwa bofe kudu go feta Bafarisei bale ba bile ba letšatši lela? Ba be ba le banna ba go botega bao re tla ba bitšago banna ba go boifa Modimo, eupša Jesu o rile, “Ke lena ba tataweno diabololo,” gobane ba be ba sa tsebe Mesia wa bona. Ge o sa Mo tsebe ka sebele . . .

¹³³ Re romela bana ba rena kgole go sekolo sa Beibele le dikholetše, gomme re ba ruta Beibele. Ke botse bofe e bo dirago go tseba Beibele ge o sa tsebe Mongwadi? Beibele ga e re go tseba Lentšu, Sathane o tseba Lentšu bokaonana go feta moithuti e ka ba mang ka lefaseng, seo ga se mo dire a phološwe, ga se ka go tseba Lentšu, ke go tseba Yena ke Bophelo, go Mo tseba.

¹³⁴ Ge o sa Mo tsebe, phagamiša seatla sa gago, e re, “Ngwanešu Branham, nthapediše, Ke nyaka go Mo tseba, ka tlhokofalo, ka pelo ya ka yohle, ke nyaka go Mo tseba.” A go na le badiradibe mo ba ka phagamišetšago seatla sa lena godimo gomme ba re, “Nthapediše, ke nyaka go Mo tseba, ke nyaka go sepela ka tsela ya Gagwe, tsela ye e filwego ke Modimo. Ke a lemoga ke tšoenne kereke, eupša ge nkabe ke ehwa gonabjale ke be ke tla tšhoga go iša lehung, nka se phološwe”? Modimo a go šegofatše. A go na le yo mongwe? “Ke nyaka go Mo tseba.” Modimo a go šegofatše, mohumagadi yo moswa. Modimo a go šegofatše. Modimo a go šegofatše, mohumagadi. Seo se lokile.

¹³⁵ Ngwanešu Brent, Modimo a go šegofatše, mohlomphegi. Ke a go botša, go tšea monna wa kgonthe go amogela o phošo, ge a le phošo, o tla e amogela, ke na le dikholofelo tše ntši go motho yoo; ge mosadi a le phošo gomme a tla e amogela, ke na le dikholofelo tše ntši go yena; eupša ge ba le phošo gomme ba ka se e amogele: “Yo a utago sebe sa gagwe, goba, a khupetšago sebe sa gagwe, a ka se atlege, yo a ipolelago sebe sa gagwe o tla ba le kgaogelo.” Ge o le phošo gomme o e tseba, phagamišetša seatla sa gago godimo, e re, “Nthapediše, Ngwanešu Branham.” Modimo a go šegofatše, ngwanešu. Yo mongwe, feela pele ga thapelo? Modimo

a go šegofatše, mohumagadi. Ee, Modimo a go šegofatše godimo fa, le wena, mohumagadi. Modimo a go šegofatše. Yeo ke—yeo ke tlhohleletšo ya kgonthe go dira seo.

¹³⁶ O re, “Ee, Morena, ke a dumela.” Ke nno šetša bakeng sa diatla, O šeditše le yena. O se belaele, nno dumela. E no tšwelapele o rapela, o šeditše...?...A nke e...E no e nagana gohlegohle bjale, ge o be o ehwa. A o dirile, nnete o phethile le monagano wa gago, sephetho sa gago ke therešo?

¹³⁷ Tate wa rena wa Legodimong, go bile le diatla tše rilego tše lesometlhano goba bontši di ilego godimo, bokaonekaone bja go tseba ga ka, ba a hloka, Morena, ba a rata go phagamišetša diatla tša bona godimo le go bolela gore “Ke phošo, nthapediše.”

¹³⁸ Morena Modimo, ke ya go tsopola Mantšu a Gago go Wena, O boletše ka go Ebangedi ya Mokgethwa Johane tema ya 5 gomme temana ya 24, “Yo a kwago Mantšu a Ka, gomme a dumela go Yena yoo a Nthomilego, o ne Bophelo bjo bosafelego, gomme a ka se tle Kahlolong; eupša o fetile go tšwa lehung go ya Bophelong.” Yeo e bile tshepišo ya Gago, Morena.

¹³⁹ Bjale, ba phagamišeditše seatla sa bona godimo, go laetša gore go be go le Moya go ba dikologa, moya wa bona, o ba botša gore ba phošo, gomme ba phagamišeditše seatla sa bona go Modiri yo a ba hlotšego, go lemoga go Yena gore ba be ba le phošo. Tate, go tšwa mabotebong a pelo ya bona, ge seo se boletšwe, ba fetile go tšwa lehung go ya Bophelong, O e tshepišitše, O rile, “Yo a tla Mpolelago pele ga batho, yena Ke tla mmolela pele ga Tate wa Ka le Barongwa ba bakgethwa.”

¹⁴⁰ Go na le Sehlabelo se se filwego, Modimo o file bakeng sa bolwetši bja rena, bakeng sa phološo ya rena, ka gore ka moka tše re di nyakago, Modimo o na le tsela ye e filwego; Yena ke Jehofa-Jireh, “Morena o kgona go ipha sehlabelo Yenamong,” gomme O dirile. A nke khutšo ya Gago le kgaogelo di dule godimo ga bona, Tate. Ke ba Gago, ke se Jesu a Go filego sona, O rile, “Ga go motho a ka ba utlago go tšwa diatleng tša Gagwe.” Ke ba Gago.

¹⁴¹ Ba be ba era seo, ke a dumela, Modimo, ka pelo ya ka yohle ba be ba se era, gomme ke rapela thapelo ye ya tumelo bakeng sa bona gore ba ke ba tsebe gore O Modimo, gore ga se O hwe, gore O hwile gatee gomme wa tsoga ka letšatši la boraro. Gomme mengwaga ye dikete tše pedi ya tshwaswalatšo, le—le tsela ye nngwe le ye nngwe ka lefaseng go kgamathetša Leina la Gago, le go phumula Beibele, E sa eme lehono, gomme O eme o bea bohlatse bja Yona. “Ruri, Ke a phela go ya go ile, gomme ke swere dinotlelo tša lehu le hele,” go boletše Mophološi wa rena.

¹⁴² Bjale, Morena, ke ba Gago, ka bogoneng bjo bja sehlopha se, le lešaba le la Legodimo, le Kereke ya Modimo yo a phelago, ke ba Gago. Ba boloke, Tate, gomme ka letšatšing le legolo lela, a nke re be le monyetla wa go kopana seng sa rena gape go dikologa tafola yela ya selalelo mo mantšiboeng ale a Selalelo sa Morena, ka

Mmušong gape, le Yena. A nke ba hwetše kereke ye botse, kereke ye botse ya Ebangedi ya go Tlala, ba kolobetšwe ka kolobetšo ya Bokriste, gomme ka gona, Tate, ba amogele Moya wo Mokgethwa gomme ba phele bophelo bja bomodimo ka morago ga fa. E fe, Leineng la Jesu. Amene.

¹⁴³ Bjale, feela pele ke le kgopela go tla mo le go ema go dikologa bakeng sa thapelo, ke batho ba bakae ba babjago ka fa, goba batho bao ba nago le tlhoko ya Modimo, ga le na dikarata tša thapelo? Phagamiša seatla sa gago, o a bona.

¹⁴⁴ Ge Lentšu le rerwa, gomme Morena o tiišeditše Lentšu leo le rerilwego, le šoma mehlolo le maswao . . . Bjale, bošegong bja go feta ke ile go kgabola . . . go le bontšha gore Jesu, se leswao la Gagwe le bilego bjalo ka Mesia, o e tlišitše tlase go kgabola letšatši la Abraham, le go e laetša o tswaletše lebaka la Bajuda, le tswaletše fale le Abraham mo nakong ya gagwe, o tshepišitšwe ka Jesu go Peu ya bogoši ya Abraham, e lego Kereke, gomme mo nakong ya Bona; o le boditše gore Modimo a ka se tsoge a dira sephetho, le go biletšwa go lefelotiragalo go dira e ka ba eng, O swanetše go e dira go ya go ile ka tsela ya go swana. Ge Modimo a biditšwe go phološa motho, ge A ka be a rile, “Ema ka hlogo ya gagwe,” yeo e be e swanetše go ba ka tsela yeo go ya go ile. Modimo o phološitše motho ka madi a tšholotšwego a mohlokamolato, gomme ka mehla go dutše go swana.

¹⁴⁵ Re lekile thuto, kerekeleina, mehuta yohle ya mananeo, gomme ohle a a šitwa le go rakela banna kgolekgole go tloga go Modimo le bona seng, eupša ge re etla ka tlase ga Madi a tšholotšwego, Methodist, Baptist, Katoliki, Presbyterian, gomme bohle ba kgona go dumelelana, gobane re ka go tsela ye e filwego ke Modimo, kopanelo ka Madi a Jesu Kriste, mafelo a nnoši a tlwaelo a go rapela a lego gona ka kopanelong. Ga re tshwenyeye ge bakgoma, baahlodi, e ka ba eng e lego, e dutše kgauswi ge Moya o ewa, re fao go rapela Modimo, ka baka la gore ga re lewe ke dihlong ka Ebangedi ya Jesu Kriste, ka gore Ke maatla a Modimo go ya phološong, Tsela ye e filwego ke Modimo bakeng sa modiradibe.

¹⁴⁶ Jesu o rile, “Yo a dumelago go Nna, mediro ye Ke e dirago o tla e dira le yena.” Lena bohle fa le bile ka dikopanong pele, gomme le tseba se ke tlogo go sona. Bjale, ke akanyetšapele se, gore Kereke e ka seemong sa go swaswalatša kudukudu E kilego ya ba ka go sona.

¹⁴⁷ Makgoba ale a Egepeta a be a sa tsebe bonnyane, ge ba eme lešing ka morago ga go bona tsošeletšo ye kgolo yeo moprofeta yola a tlilego tlase le go ba tliša, gomme ba bone seatla se maatla sa Modimo, gomme ba be ba šireleditšwe le go tla ntle kua, le go bina ka Moya morago ga ge ba tsheletše go kgabola Lewatle le Lehubedu le go bona manaba a bona a nweleditšwe ka morago ga bona, mekgwa yohle ya bona, le dilo, boka re ka bitša lehono,

e nwelela ka morago ga bona, dilo tše di ba tlaišago, gomme Miriamo a bina ka Moya, gomme Moshe a opela ka Moya, le go ya pele, bonnyane ba be ba sa tsebe gore ge ba be ba le feela e ka ba matšatši a lesome go tšwa nageng ya tshepišo, ba tseba gore ba be ba le mengwaga ye masomenne kgole go tloga go yona. Gobaneng? Gobane ba ganne go latela Modimo, ba nyakile molao sebakeng sa mogau, gomme ba o hweditše, gore ba kgone go dira tsela ya bona beng le go ba le sa bona beng *bjalo le bjalo*, motho ka mehla o lekile go dira se sengwe ka boyenamong, gomme Modimo o dirile yo mongwe le yo mongwe wa bona go senyega ka lešokeng, le go tsoša moloko wo moswa le go ba iša go naga ya tshepišo.

148 Kereke ya Pentecostal e be e sa tsebe bonnyane, ya mengwaga ye masomenne goba masometlhano ya go feta, ge le be le bina ka Moya, bona bomme ba kgale ba moriri wo motelele ba apere diroko tše telele, gore barwedi ba bona ba ka tsoge ba ba dikgošigadi tša Hollywood, bjalo ka ge ba leka go ba lehono; bonnyane ba be ba sa tsebe, ge banna ba botshepegi, le banna ba bomodimo ba ba bego ba tla hwela Lentšu lela, ba ema ka tlase ga sethunya le se sengwe le se sengwe gape, ba bitšwa “mopshikologimokgethwa,” ba lahlelwa ka kgolegong, ba eme khoneng ya mokgotha, ba tšhaba go tloga khoneng ye nngwe, ba ba godimo ga ye nngwe, ba tliša Ebangedi, gore barwa ba bona ba ka tsoge ba dumelela selo se sebjalo go tla, go tliša dikereke tša lena ka lefelong boka dikerekemaina ka moka. Bjale ba a nenera, lebaka la mengwaga ye masomenne ba bile, eupša go na le ye mpsha e tla godimo, “Modimo o tla bušetša,” go rialo Modimo, yo mongwe yo a tla sepelago ka Moya, a tliša therešo, gomme a bolela therešo. Joshua, Jehofa Mophološi, o ba hlahlile go kgabaganya Jorodane.

149 Bjale, ngwanešu, kgaetšedi, Kriste o a phela lehono, ga se A hwa, ge A hwile, gona bodumedi bja rena ke bja lefeela. O tsogile gape, o a phela go ya go ile, O tla feela lehu gobane O kgonne go tloša sebe, E be e le Imanuele.

150 Ge A ile godimo thabeng, nosi ya lehu e bobola go Mo dikologa, e tseba o be a eya go Mo loma, bonnyane ba be ba sa nagane gore O be a le, bonnyane Sathane o be a sa dumele O be a le moprofeta. Gobaneng, dikwero tšela, ba beile lešela go dikologa sefahlego sa Gagwe, le go tshwela ka sefahlegong sa Gagwe, le go Mo itia hlogong ka lehlaka, gomme ba rile, “Ge o le moprofeta, re botše ke mang a go bethilego.” Le a bona? “Ge o le Morwa wa Modimo, fetola matlapa a go ba borotheo.” Le a bona? Mofarisei wa kgale a eme fale o rile, “Ge a be a le moprofeta, o be a tla tseba ke mohuta mang wa mosadi yo a bego a hlatswa maoto a gagwe,” boka A be a sa tsebe. Le a bona?

151 Ge A bone Simone gomme a bitša leina la gagwe, gomme a mmošša, “Leina la gago o Simone, o morwa wa Jona,” peu yela ya Modimo ye e kgethetšwegopele e tla Bophelong ka pela bjalo. Ge

Filipi a ile le go tšea Nathaniele le go mo tliša godimo kua, O rile, “Bonang Moiraele, ka nnete, yo ka go yena go sego bomenetša!”

O rile, “Rabi, O ntsebile neng?”

O rile, “Pele Filipi a go bitša, ge o be o le ka tlase ga mohlare, Ke go tsebile.”

¹⁵² O rile, “Rabi, Wena o Morwa wa Modimo, Kgoši ya Israele.” Ba tsebile leo e be e le leswao la Bomesia. Yeo ke nnete. Yeo e be e le tsela ye e filwego ke Modimo go bona go Mmona.

¹⁵³ Morongwa yola tlase kua ka Sodoma, yo a retolletšego magetla a Gagwe tenteng, gomme a botšiša Abraham Sarah o be a le kae, mosadimogatša wa gagwe, gomme o be a le ka tenteng, gomme O rile, “Ke tla go etela go ya ka bophelo,” gomme Sarah o segile ka gare ga gagwemong, O rile, “Gobaneng Sarah a segile?” ka morago ga Gagwe, Jesu o rile, “Bjalo ka ge go bile ka matšatšing a Loto, go tla ba bjalo ka go Tleng ga Morwa wa motho,” Abraham o tlile go kgabola mehuta yohle ya maswao le dilo, eupša feela pele ga mollo go tlile leswao lela.

¹⁵⁴ Israele e tlile go kgabola mehuta yohle ya maswao, eupša pele ba kgaolwa go tšwa Bogoneng bja Modimo, ba bone leswao lela la Bomesia. Kereke e tlile tlase ka Lutheran, Baptist, Presbyterian, pele go theoga go kgabola Pilgrim Holiness, le Manazarene, Mapentecostal, go bolela ka maleme, eupša Lona šele, ba swanetše. . . se sengwe se swanetše go direga, O swanetše go ba Modimo wa go swana.

¹⁵⁵ Ga ke na le thuto, ke nna ngwanabolena, eupša ke le botša Therešo, gomme ge ke le botša Therešo, Modimo o swanetše go thekga Therešo yela, gomme ge e se Therešo, Modimo a ka se be le selo go dira le yona. Yeo ke. . .

¹⁵⁶ Lena bohle. . . Bohle re a tseba Lentšu la Morena le tlile go baprofeta, baprofeta ba be ba le Lentšu la Morena le dirilwe go bonagala. Jesu o be a le Moprofeta, gomme ke ka baka leo Doiteronomio e rilego, “Morena Modimo wa lena o tla tsoša Moprofeta,” gomme ge ba Mmona a dira seo, ga se ba be le moprofeta lebaka la makgolo a mengwaga, eupša ba tsebile Yola e be e le Moprofeta *yola*.

¹⁵⁷ Lebelelang mokgekolo yo monnyane yola godimo kua, seotswa, ka go Mokgethwa Johane 4, ge a eme godimo kua letšatši lela, gomme Jesu o tlile ntle, Mojuda, gomme a mo kgopela seno, gomme poledišano e ile pele go mantladima a matelele kudu, Jesu o be a leka go hwetša mo bothata bja gagwe bo bego bo le gona, gomme ge A hweditše moo bothata bja gagwe bo bego bo le gona, O rile, “Sepela, hwetša monnamogatša wa gago gomme le tle mo.”

O rile, “Ga ke ne monnamogatša.”

O rile, “Therešo, o bile le ba bahlano, gomme yo o dulago le yena bjale ga se monnamogatša wa gago.”

Lebelele mosadi yo monnyane yola, o rile, “Mohlomphegi, ke a bona gore Wena o Moprofeta *yola*.”

¹⁵⁸ Bjale, ge le ka hlokomela, King James e re “moprofeta *feela*,” eupša kitimiša go bala mothalong ga gago, “Moprofeta *yola*” yo a bego a swanetše go tla. Ba botšišitše Johane, “A o Moprofeta *yola*?” Ba tsebile gore Mesia o be a swanetše go ba Moprofeta.

¹⁵⁹ O rile, “A O Moprofeta *yola* a bego a swanetše go tla? Re a tseba ge Mesia, yo a bitšwago Kriste, ge A etla, leo e tla ba leswao la Gagwe, O tla re laetša dilo tše, eupša Wena o Mang?”

Jesu o rile, “Ke nna Yena a bolelago le wena.”

Ngwanešu, bona Bafarisei, dirutegi tša godimo, kerekeleina, ba go tsengwa fase, ba eme fale gomme ba rile, “Ke diabolo, Beletsebubu, mmolelelamahlatse.”

¹⁶⁰ O rile, “Ke a le lebelele; eupša letšatši le lengwe Moya wo Mokgethwa o tla tla go dira selo sa go swana, lentšu le tee kgahlanong le Wona le ka se tsoge la lebelelwa ka go lefase le, goba go lefase le le tlogo.” O rile, “Le puruputša Mangwalo, Ke wona a pakago ka Nna.” O be a le Lentšu la Modimo le dirilwe nama, Yena ke Ponagalo. “Ge Ke sa dire mediro ya Tate wa Ka, se Ntumeleng. Mangwalo a paka ka Nna, le nagana ka go Wona le na le Bophelo bjo Bosafelego, A paka ka Nna.” Ka mantšu a mangwe, “Ke tšona Dilo tše di bolelago se Ke lego sona.”

¹⁶¹ Bjale, wona Mangwalo a go swana a bolela letšatši le re phelago ka go lona, go netefatša gore re nakong ya mantšiboa, gomme Modimo o dirile Tsela ya go phonyokga, tšhabelang go Yona ka pela ka mo le kgonago, go Phonyokga gola ke Jesu Kriste, Moya wo Mokgethwa, ka Moya o tee bohle re kolobeletšwa ka go Woo.

¹⁶² Gomme, le se ke la itshama ka, ke dumela go go goelela, go bolela ka maleme le tšohle tše, eupša le se ke la ithekga ka seo, ke Bophelo bjo bo lego ka go yona, gomme Bophelo bjo ke bjo bo dumelago Lentšu lela, ga go kgathale ge o boletše ka maleme, le e ka ba eng o e dirilego, gomme wa fela o belaela Lentšu lela, ga se Moya wo Mokgethwa ka go wena. Moya wo Mokgethwa o ngwadile Lentšu, gomme Moya wo Mokgethwa o ka se gane Lentšu la Gagwe Mong. Le a bona? Moya wo Mokgethwa o tla feleletša le lengwe le le lengwe la ona mafoko ka “Amene. Amene,” *feela tšwa*, mothalo godimo ga mothalo, mothalo godimo ga mothalo, Moya wo Mokgethwa o tla dira.

¹⁶³ Gomme Moya wo Mokgethwa e bile Wona, o dirilego tshepišo. Motho e ka ba mang o a tseba gore Beibele e boletše gore “Jesu Kriste, gonabjale, ke Moprasta yo Mogolo yoo a kgonago go kgwathwa ke maikutlo a mabofokodi a rena.” Yo mongwe le yo mongwe o a tseba gore Beibele e boletše, Bahebere 13:8, gore “Jesu Kriste o a swana maabane, lehono, le go ya go ile.” Ge A le Moprasta yo Mogolo wa go swana, O swanetše go dira ka tsela ya go swana ge A le Moprasta yo Mogolo wa go swana. Jesu o

rile, “Mediro ye Ke e dirago, le tla e dira le lena.” Ke mediro ya mohuta mang A e dirilego?

¹⁶⁴ Beibele e laetša pepeneng gore re ka letšatšing la mafelelo le leswao la mafelelo. Ke yo moswa gaḅotse efela, ke bogolo bja mengwaga ye masomethano tharo. Šetšang se, ka Leina la Morena, le ka se tsoge la bona selo se segolwane, ke a tseba le lebeletše se sengwe se segolo, eupša šetšang, le ne leihlo la lena. . . le tseleng ya go fošagala thwi fao. Balang ditema tše tharo tša mathomo tša Kutollo, go be go se bontši kudu bo tshepišitšwego go Kereke ya Bantle. Yeo ke nnete. Dilo tšela tšeo o di balago, tšeo di tla godimo fale ka go Israele morago ga ge Kereke e sepetše. Kafao, hlokomela, ngwanešu, e feta thwi godimo, gomme ga o e tsebe.

¹⁶⁵ “Ke ofe wa bapofeta yo botataweno ba sa mo thubago ka matlapa gobane ba be ba sa tsebe letšatši la bona? Ge nkabe le Ntsebile nkabe le tsebile letšatši la Ka.” Ga se ba tsebe Johane go fihla a hwile, a bolokilwe; ga se ba tsebe Jesu go fihla A hwile, a bolokilwe; ga se ba tsebe Mokgethwa Patrick; Joan wa Arc, kereke ya Katoliki e mo tšhumile bjalo ka moloi mo koteng, gobane mosadi o bile le maatla thapelong gomme o bone dipono, gomme ba rile o be a le mmolelelamahlata, moloi, gomme ba tšhumile mosadi yola, a goeletša bakeng sa kgaogelo. Oo, ka nnete, le dirile boitsholo mengwaga ye makgolopedi moragorago, la epolla mmele wa baprista le go ba lahlela. . . eupša e le fetile ka thoko, gomme ga se la e tseba.

Ebile le barutiwa ba rile, “Gobaneng bamangwalo ba re Eliase o swanetše go tla pele?”

O rile, “Eliase o šetše a tlile gomme ga se la e tseba.” O ya ka godimo ga hlogo ya lena gomme ga le e tsebe, le se ke la O foša, Moya wo Mokgethwa, Kriste, o mo.

¹⁶⁶ Bjale, elelwang mantšu a mabedi a pele ke le tlogela, go bonagala ga Kriste le go Tla ga Kriste ke dilo tše pedi tša go fapana. Kriste bjale o tšwelela ka botlalo bja maatla a Gagwe, Go Tla ga Gagwe go tla ba ka morago ga fao, go bonagala ga Gagwe pele ga go Tla ga Gagwe. Modimo eba le kgaogelo.

¹⁶⁷ Bjale, motho yo mongwe le yo mongwe fa a be tlhompokgolo ka kgonthe, ke be ke bolela, ke letile, go fihla ke tsebile Bogona bja Gagwe bo be bo le fa. Ke ya go Mo kgopela, Leineng la Jesu Kriste, go re tšeela ka diatleng tša Gagwe le go tloša gosedumele ga rena. Tšea dipoifo tša ka, le dipelaelo, le dikgakanegokgolo, Modimo, tloša dikgakanegokgolo tša sehlopha se, gore O ke o šome mediro ye O e tshepišitšego ka matšatšing a mafelelo, gore re tloge mo bošegong bjo, Modimo, ka dipelo tša rena di eswa ka gare ga rena, le go bona gore Modimo yo re mo dirtetšego, yo re goeleditšego go yena, re mo tumišitšego, šo O ipontšha Yenamong go phela magareng ga rena. E fe, Morena. Leineng la Jesu Kriste, a nke go be bjalo.

168 Bjale, ge go ka ba pelaelo e ka ba efe ka pelong ya e ka ba mang, o tla fa le go tšea lefelo la ka, eupša ge ke boletše Therešo, Modimo o tlamagile go thekga Therešo yela. Bjale, lena ba le phagamišitšego seatla sa lena, ke ya go le kgopela go dira se sengwe mo motsotsong, eupša lena ba le tsebago le go dumela gore se, ke le boditše, ke Therešo, gona rapelang gomme le re, “Morena, a nke ke kgwathe kobo ya Gago ka tumelo ya ka bošegong bjo.” Bjale, ge o nkgwatha, go ka se dire botse bjo bo itšego, go no feta baena ba ka mo, goba yo mongwe ntle kua; eupša o Mo kgwathe nako ye nngwe!

169 Šetšang Moya, ke ka mokgwa wo re tsebago Kriste, e sego ka tsela ye A bego a apere, e sego tsela, bjalo ka ge ke boletše, bjalo ka ge A beakanya moriri wa Gagwe, goba maledu a Gagwe, ka polelo ya Gagwe, polelo, eupša ba tsebile Bophelo bja Gagwe; Kriste ke Bophelo. “Re a tseba ge Mesia a etla O tla re botša dilo tše. O a swana maabane, lehono, le go ya go ile.”

170 E no rapela, ka tlhokofalo, o se ke wa tšhoga, ge o dira, o ka se tsoge wa e swara, e no ba bonolo. E no re, “Morena . . .” Ke bonolo bjo ba bo hlokomologilego, ba e dira mararankodi kudu go fihla ba . . . Ke ka baka leo ba fošitšego Jesu lefelong la pele. O rile, “Jesaya o boletše gabotse, ‘Le na le mahlo, ga le kgone go bona; ditseba, gomme ga le kgone go kwa.’” Le a bona? Go go dira o no lemoga gore Kriste, Morwa wa Modimo, o a phela.

171 Bjale, rapelang. Gomme ge Modimo a dira se Beibele e rego O a se dira, gona therešo ke, Beibele e a rereša, eupša ge A sa e dire, gona ga se Modimo. Gomme re tseba gore, mang kapa mang o tseba seo, gore Modimo o ikarabela go Lentšu la Gagwe. A ga le dumele seo? O swanetše go boloka Lentšu la Gagwe. Bjale, o no rapela bjale le go dumela ka pelo ya gago yohle gore Modimo o ya go e fa. Gomme bjale, a nke A tliše Moya wa Gagwe, le go bolela le rena, le go tlišetša Lentšu. Bjale, šetšang sekgauswi ka kgontho.

172 Bjale, elelwang, ke ba bakae ka fa, ge le sa rapela ka setu, ba bonego seswantšho sa Morongwa yola wa Morena godimo ga pampiri yela? Oo, ya. Nnete. Ke a thanka ba e bontšhitše fa ka moagong. Kafao nthuše, ka Beibele ye fa, gomme Yona godimo ga pelo ya ka, ka Letšatši la Kahlolo ke tla ahlolwa gomme o tla ahlolwa ge re ka foša Kriste, seetša sela sa go swana ga se leoto go tloga moo ke emego gonabjale. Bjale, O rile, “Ke tšwa go Modimo, gomme Ke ya go Modimo.” Seetša sela se tlile fase gomme sa dirwa nama, Se boile morago go tšwa tsogong go ya ka Letagong, gomme Paulo, tseleng ya gagwe go theogela Damaseko, o rathetšwe fase ke Sona. Bjale, ge Seetša sela, lefase lela la saense le netefaditše gore Ke Sephedi sa Kagodimogatlhago, ge seo se sa tšweletše Bophelo bja go swana bjoo Se bo dirilego ge Se be se le fa ka go Kriste, ge se sa dire selo sa go swana ka Kerekeng ya Gagwe, gona ga se Bophelo bja go swana, ge Se dira, Ke Bophelo bja go swana.

173 Mo. Ke nyaka . . . Lebelelang mo. Go na le mosadi yo monnyane o dutše thwi mo, o nno hunyetša hlogo ya gagwe fase feela nako yeo. Tumelo, go leka go dumela, o rapediša mahlo a gagwe, mahlo a gagwe a ka sebopego se sebe, o tshwenyega ka wona, o lebeletše thwi go nna. Ga a . . . Ke . . . go tšwa Norway. Yeo ke nnete. A o na le karata ya thapelo? Ga o nayo? Ga o hloke e tee, mahlo a gago a tla loka bjale. Tumelo ya gago e kgwatha- . . .

Eba le tumelo. Bjale, ke no nyaka—go no tšea nako ya rena motsotso feela.

174 Eya go mohumagadi yola. Ema motsotso feela, e ka ba mang mosadi a bilego. O be a le kae? Le a bona, ke pono, go swana le ge ke lorile se sengwe. Mosadi yola o be a le kae? Bjale, ke a nagana e be e le thwi morago ka go . . . Mo. A dilo tšeo e be e le therešo, mohumagadi, se se boletšwego? Phagamišetša seatla sa gago godimo. A o be . . . o rapela ka mokgwa woo, le go ya pele? Ke be ke tla tseba bjang se a bego a se rapelela, le se wa gagwe. . . se a bego a se rapelela, le tšohle ka yona, gomme ke mang, le mo a lego, le se se diregilego, le go ya pele? Ke be ke tla e tseba bjang ge mosadi e le mosetsebjwe wa go felela go nna? Ga se ka ke ka mmona ka bophelong bja ka, gomme re basetsebane ba go felela. Eya go yena ka morago ga tirelo gomme o mmošiše. Ke a go leboga. O dirile eng? Seo se tlišetša Lengwalo, “Ke Moprasta yo Mogolo yo a kgonago go kgwathwa ke dikwi tša mefokolo ya rena.”

175 Mo, mo go tla monna, o tla pele ga ka, mothalo wa bophelo o tla mo, a dutšego mo ka mafelelong a mothalo, a tlaišegago ka bothata bja mokokotlo. A o a dumela gore Modimo o tla go dira o loke, ka bothata bjoo bja mokokotlo, o dutšego mo? Dumela gore Modimo o tla go fodiša? O a dira? O amogela phodišo ya gago? Mna. Sanders, a o a dumela gore Modimo ke Mofodiši yo mogolo? Ke nyaka go go botšiša se sengwe. Lebelela mo go nna, mantšiboa a go feta o bile le maikutlo a go se tlwaelege kudu ge o be o le mo ka kopanong, se sengwe se diregile, bjale, bošegong bjo ge se boa go wena gape, bjale, o dumela ka pelo ya gago yohle, bothata bjoo bo tlogile go wena. O a dumela?

176 Fa, ga ke go tsebe. Re base- . . . A ga o bone Seo? Lebelelang fa, baena, lebelelang *fale*, thwi godimo ga monna yo *fa*, Seetša se setalaserolwana. Monna o a tlaišega, o ka sebopegong se sebe. Ke letšhogo, o kgauswi le go ba le go phuhlama, feela ke go phuhlama, yeo ke phetho. O monna yo mokaone, o na le lapa, sehlopha sa bana, e ka ba bana ba bahlano. Yeo ke nnete. A o na le karata ya thapelo? Ga o e hloke. Go fedile bjale, o ya gae, direla bana ba gago bophelo, tumelo ya gago e go dira felele.

177 Ao bona mošemane yo a dutšego kgauswi le wena? Ge ke šupile monwana wa ka godimo kua, o tabogile. Ge o ka dumela, bolwetši bjola bja letlalo bo tla go tlogela le wena, gomme o tla

fofa. A o a e dumela? A o na le karata ya thapelo? Ga o e hloke bjale, tumelo ya gago e go dira o felele.

178 A ga o dumele ka pelo ya gago yohle? Botšiša batho bale. Ga ke ba tsebe, ba nno dula fa ka kopanong, eupša ba ne tumelo.

179 Mohumagadi šo o dutše mo o lebeletše thwi go nna, thwi godimo mo, o tlaišega ka bothata bja mokokotlo, le yena. O tla dumela . . . Mohumagatšana Cobbles. Ga ke go tsebe. A o na le karata ya thapelo? Ga o e hloke, tumelo ya gago e a go phološa.

180 A O a swana maabane, lehono, le go ya go ile? Ye ke tsela ya Modimo, sepelang ka go yona. Ke eng? Jesu Kriste yo a tsogilego. Lebala ka moka dithutotumelo tše le dilo tše o lekago go di swara, e tlemolle. Lentšu le dirilwe nama magareng ga rena, re a bona Ke Lentšu la Modimo.

181 A le a Mo rata? A le ka rata go tla go neela bophelo bja lena go Yena, bjalo ka bophelo bja tirelo, ebile le tirelo ya go gafela, go gafela bophelo bja gago go Yena gape? A o ka e dira? Ge ke sa le ka Bogoneng bja Gagwe, ke nyaka motho yo mongwe le yo mongwe yo a lego mo, yo a nyakago go gafela bophelo bja bona ka boswa, bakame lena batho bohle bao le phagamišitšego seatla sa lena lebakana la go feta, etlang emang mmogo fa feela motsotso. Ke ikwela go hlahlwa go dira se, gomme ge ke ikwela go hlahlwa, ka mehla ke selo sa maleba. Yeo ke nnete. Oo, bjale, le tla bona se sengwe se direga.

Ee, re tla kgobokana nokeng,
Ye botse, noka ye botse;
Oo, go kgobokana le bakgethwa nokeng
Yeo e elago hleng le Terone ya Modimo.

Ee, re tla . . . (Rena bohle!) . . . nokeng,
Ye botse, noka ye botse;
Re tla kgobokana le bakgethwa nokeng
Yeo e elago hleng le Terone ya Modimo.

A re ka . . . noka,
Moo maoto a Barongwa ba go phadima a
gatilego,
Kae . . . ? . . .

A re phagamišeng diatla tša rena bjale.

Ee, re tla kgobokana nokeng,
Ye botse, noka ye botse;
Re tla kgobokana le bakgethwa nokeng
Yeo e elago go tšwa Teroneng ya Modimo.

A re inamišeng dihlogo tša rena bjale. Mmapadi wa okene o tla tšwelapele ka yeo ge re sa e hama ka dipelong tša rena. [Ngwanešu Branham o thoma go hama *A Re Ka Kgobokana Nokeng*—Mor.]

. . . sefothedi sa yona sa silibere,

E no tšwelangpele go e hama bjale, le nagana le tla ka Bogoneng bja Moya wa Modimo wo o lego mo le lena.

. . . re tla kgobokana nokeng,

¹⁸² Tate wa Legodimong, ke sepelela godimo pele ga sehlopha se sa go itshola, kereke ya go felela ka ntle ga e ka ba lesome goba lesometlhano batho ba ema ka maoto a bona, ba nyaka go Go tseba kgauswana, go sepela le Wena, ba Go rata kudu. Ba eme, Morena, ba opela, *A Re Ka Kgobokana Nokeng*, ee, Morena, re tla kgobokana kua, gomme e ka se be botelele.


¹⁸³ Ge nako e phethagaditšwe, gona Moya wa Modimo, O lego mo thwi bjale, moya wo Mokgethwa wo mogolo o sepela go dikologa godimo ga moago, bobose bjola bja kopanelo bjoo bo re gogelago kgauswi le Yena, go re dira re tsebe gore dibe tša rena di lebaletšwe, bokgopo bja rena bo ile. . . Ge re loketše go ipolela diphošo tša rena, Modimo o rata go re lebalela.

¹⁸⁴ Tate wa Legodimong, bjalo ka ge re bona letšatši le fedile bjale, gomme re Go bone o dira se sengwe bošegong bjo boka O dirile pele ga papolo ya Gago, yeo ke yona mediro yeo O e dirilego pele O bapolwa, gomme fa bjale re a tseba ka se, tshepišo ya Lentšu, gore Le tshepišitše Le tla dira gape, re a tseba gore O tsogile go tšwa bahung gomme O a phela go ya go ile. Mengwaga ye dikete tše pedi ya tshwaswalatšo le go menekana ka go thutamodimo, ga se nke ba kgona go e kgopamiša go tšwa go Lentšu la Modimo. Re bona Kriste a etla go lefelotiragalo le go dira tlwa selo sa go swana seo A se dirilego ge A be a le fa lefaseng, re a tseba ka se gore O a phela, gomme re a tseba ka se gore re amogetšwe, gobane Morongwa yo a tšilego go Abraham le go sehlopha se se kgethilwego, e sego tlase ka Sodoma, eupša godimo go sehlopha se se kgethilwego, o dirile mohuta wo wa leswao.

¹⁸⁵ Gomme, re thakgetše kudu, Modimo, gore O re dira re tsebe gore re Kereke yela yeo e tšwilego gomme e arogantšwego, e sego tlase ka Babilonia gape, eupša ba tswetšwe gape gomme ba dirwa dibopiwa tše mpsha ka go Kriste Jesu, ba letile go Tla ga Gagwe. Ga re tshwenyega ka dilo tša lefase, ka gore re baeti le basetsebj, Bohwa bja rena ke bja godimo moo Modimo a dulago godimo ga Terone ya Gagwe.

¹⁸⁶ Re a rapela, Tate wa Legodimong, gore O tla tšea motho yo mongwe le yo mongwe yo a itsholago yo a emego mo, gomme ge ke hweditše mogau mahlong a Gago, gomme re rerile Ebangedi ntle le go itšimeletša, feela tlwa ka tsela ye Lentšu le E rutago, gomme O netefaditše gore Ke therešo ka ketelo ya Gago le rena bošegong bjo, Modimo, lebalela sebe se sengwe le se sengwe, tloša go tonya go gongwe le go gongwe go batho, gomme a nke Moya wo Mokgethwa, ka maatleng a tsogo ya Gagwe ya Kriste, o tla sepelela ka go pelo ye nngwe le ye nngwe le go huthumatša dipelo tšela, e tlatše, Morena.

¹⁸⁷ Gonabjale a nke Pentecost ye nngwe e rothele fase godimo ga batheeletši ba. Sathane o fentšwe. A nke maatla a Modimo a sepelele ka dipelong, le go hlwekiša le go tlatša pelo ye nngwe le ye nngwe mo ka maatla a Makgethwa a Moya wo Mokgethwa. E fe, Morena. Ke neela thapelo ye go Wena, Modimo. Leineng la Jesu Kriste, e fe, Tate. A nke mogau wa Gago, hlompha ya rena, rena, kopano ya rena bošegong bjo le ditšhegofatšo tša rena mmogo le Wena, Morena, ka mafelong a Magodimong. E fe, Leineng la Jesu.

¹⁸⁸ Bohle ba le dumelago bjale, ka pelo ya lena yohle, gore Modimo o a le lebalela, gomme o a tshepiša gore, ka mogau wa Modimo, ka Bogoneng bja Morongwa yo, Moya wo Mokgethwa, wo o lego mo bjale, o a tshepiša, go tloga bošegong bjo go ya pele, o tla Mo phelela, o tla rapela go feta, o tla dira sehlabelo, o tla ikona, o tla dira se sengwe le se sengwe ka maatleng a gago, ka mogau wa Modimo, go Mo phelela, phagamišetša diatla tša gago godimo gomme o Mo tumiše. Bjale, e re, “Ke a Go leboga, Morena, go mpha tumelo ye go e dumela.” Modimo a go šegofatše. Amene. 

62-0728 Modimo O Na Le Tsela Ye E Filwego
Curling Arena
Victoria, British Columbia Canada

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org